



疊山先生文集序



文章非辭藻要皆本於德也德而文則可以扶世道立綱常人之德亦資以成歟苟徒文則辭焉爾不猶空青水綠於世何用哉此惟宋故疊山先生文節謝公之為文無一不本於德鑿鑿乎如穀粟布帛世不可無也始公仕宋適丁季世即倡大義以詆權

姦提孤軍以保封疆及事不濟妻子
弟姪併死于獄亦無顧卹宋既替命
而猶拳拳以宗社為念志欲存趙氏
之孤守孤竹之操故其逢回蓋有待
焉柰何失身之臣不諒公之心欲假
以自揜百計誘公事元力拒不起至
有執公就道遂不食彌旬直抵燕京
而絕嗚呼公之死可謂從容就義矣

世但知公之忠而不知有其孝也昔
公之尊考嘗倅潯以事忤董使者被
劾以死暨公登第而董執政公誓不
與相見竟不臺叅以歸日以奉母為
事務得懽心雖值喪亂輒棄妻子躬
負以逃此公忠孝之德出于天性故
其形於著述者有易詩書三傳諸書
行于世人皆誦之無庸議矣惟雜著

詩文六十四卷藏于家屢經兵燹存者無幾而予友監察御史黃君溥澄濟與公同鄉邑慨公之文散逸恐泯沒無傳乃多方采輯得若詩若文總如千篇正其訛謬各以類歸釐為十六卷間以示予曰惜乎先生之文僅此豈以少而自私乎將繡梓以傳子盍叙諸予讀而嘆曰大鈞播物罔間

鉅細夫以一草木之微足以識造化之理公之為文一字一語悉忠孝之所發即是足以見公之德而能感人於千載之下如讀上程雪樓書則孰不興夫孝而世之忘親奪情者始見為不仁讀上劉忠齋書則孰不慕乎忠而世之棄君保身者始知為不義其餘諸作無一不在是所謂扶世道

植綱常以成人之德者誠有賴焉此固不可無尤不必多也雖然公以孤臣特立於北風雨雪之間斷蓬殘葉幾何而不危乃欲屹砥柱於中流回狂瀾以東注千挫萬磨愈剛愈勁則公之忠誠可以貫天地薄日月其文章留於宇宙者上而為祥麟威鳳下而為芝草琅玕有不待是而后傳夫

以御史君之及此者蓋其風節有得於公以之而資化本也雋以斗筭輒敢僭踰者認持區區以附泰山之毫芒也公諱勸字君直疊山其自號文節其門人私謚也信之弋陽人其出處大節與夫行義之詳具于本傳與神道碑云

景泰五年歲舍甲戌夏六月壬寅後

學廬陵劉雋克彥拜書

望山集目錄卷之一

詩

七言絕句

思親 五首

送程楚翁遠遊

五星

戲道場院太虛

謝送夏衣

贈儒醫陳西巖

貢茶

物體

代上杜按察 三首

寄謝林魯 三首

元旦阻雨 二首

春日聞杜宇

謝惠楮衾

桃

贈畫士劉信可 二首



竹

扇

菊

賦松

與魏海野

花影 絕粒偶書二首

疊山集卷之二

五言八句

古詩贈相士吳楚峯

贈宋相士

求紙余

贈相士郭少仙

送張子高歸延平

送劉治中之信州

七言八句

示兒二首

代上張經歷

贈卜者魏易齋

題東觀壁二首

和曹東谷韻

和葉愛梅韻

葉愛梅詩

和游古意韻

游古意詩

和毛靜可韻

毛靜可詩

和詹蒼崖

初到建寧賦詩一首

魏天應和韻

蔡正孫和韻

二劉兄惠寒衣

附錄

七言八句

送疊山先生北行

陳達翁建安泉石二首

門人王濟淵道可一首

門人張子惠一首

挽疊山先生

洪平齋一首

趙潤邊一首

和道士陳天隱三首

疊山集卷之三

五言長篇

謝劉純父惠木棉布

謝張四居士惠紙衾

謝客惠米線

謝人冬至送鴨酒

乞醮

謝黃禪師華嚴會惠供食

贈道士阮大虛何存齋

七言長篇

菖蒲歌

荆棘中杏花

贈何古梅學士醫

贈畫梅吳雪塢

謝藥

謝惠柑簪等物

謝麪

崇真院絕粒

詞調

寒食鄆州道中沁春園調

疊山集卷之四

書

上程雪樓御史書

上丞相劉忠齋書

與參政魏容齋書

疊山集卷之五

書

與李養吾書

與建寧路毋府判薦朱山長

與劉秀岩論詩

為蔡文節公子孫免差科書

與天師張簡齋書

與道士桂武仲

為寫神黃鑑堂

與菊圃陳尚書劄

疊山集卷之六

序

送史縣尹朝京序

送方伯載歸三山序

送黃六有歸三山左

交信錄序

程漢翁詩序

重刊蘇文忠公詩序

贈地理楊南川序

觀音經序

疊山集卷之七

記

寧庵記

東山書院記

圓峯道院祠堂記

擎天巖記

宋辛稼軒先生墓記

疊山集卷之八

墓銘

平山先生母制機墓銘

疊山集卷之九

說

秋旦說

江仲龍字說

鷺洲書院記跋

大學解義跋

蕭冰厓詩卷跋

疊山集卷之十

啓

代宗臣正啓

代賀丞相正啓

代千丞相免追筭功賞錢糧啓

代千執政薦舉啓

代千丞相遷除啓

代千杜按察追索書板啓

謝宋亦山惠米啓

謝人惠紙衾啓

謝惠醋啓

疊山集卷之十一

啓狀

聘啓

聘定啓四

回定啓五

七月請期啓

回啓

八月請期啓

回啓

九月請期啓

回啓

十月請期啓

回啓

十一月請期啓

回啓

十二月請期啓

回啓

回啓未允

疊山集卷之十二

劄

通王府尹劄

通黃府判劄

回主簿交代劄

詞

薦父青詞

頌

吾友張四居士為僧敢獻善頌

疊山集卷之十三

表

賀玄天上帝生辰表 三月三日 又

許旌陽飛昇日賀表

疊山集卷之十四

疏

梅野起居疏

城隍疏

鳳林新建蓮堂疏

景祐真君生辰疏

福善王生辰疏

化道衣疏

暨公聖者生辰疏

重建觀音寺疏

席溪蓮社道堂脩諸天閣疏

洪山廟照華嚴第十五會

東山白蓮堂脩造疏 永福堂塑佛像

仁壽堂化粧塑佛像疏

東嶽廟粧塑天堂地獄閻羅像疏

白蓮社經堂疏

疊山集卷之十五

文

代五顯廟巫祝為遺願人放罪文

代昭懿廟巫祝為婦人還頭放罪文

疊山集附錄卷之十六

上疊山先生書

疊山先生行賞

文節先生謝公神道碑宋史列傳

讀疊山北行詩跋 祭謝疊山文

褒崇忠節奏詞

疊山集目錄

疊山集卷之一



里生潭石黃溥編

絕句

思親五首 壬午九月寄書老母

九十萱親天下稀 十年甘旨誤庭闈 臨行有懇慈心喜
再觀衣冠兒便歸

九十萱親天下稀 吾王何在子何之 倚閭旦暮無他念
一片好心天得知

九十萱親天下稀 人無容力荷天慈 衣冠禮樂江東聚
此是癡兒奉母時

九十萱親天下稀 平生教子欲何為 楚王肯立韓公子
良也歸韓亦有辭

九十萱親天下稀教兒只誦白華詩
溪水山玉人無愧百拜慈闈喜可知

代上杜按察三首

東南官吏欠清風五十年來世道窮
須信太平在今日人間又有杜祁公

慶曆諸公開太平選賢按察救生靈
當時只有一杜杞豈若先生眞福星

萬物寧無吐氣時平生愛誦杜陵詩
如今天下知元結六百年間再見之

送程楚翁遠游

近日人傳庾嶺梅南枝落盡北枝開
長安舊日元無此

盡是江南人送來

寄謝叔魯三首

紅葉飄搖霜露清去年今日正同行
夜來似與君相見明月一窓梅影橫

一歲思君君不來君來我去欠徘徊
歸時只見留詩在何日相逢暢野懷

平生結客知心少亂世逢人笑口難
迨日老禾頻送喜誰來對酒共清歡

五星

五緯煌煌聚在秦項王稱霸沛公臣
誰知四百年天下已屬寬仁大度人

元旦阻雨二首

洪鈞一轉歲開端草木群生亦喜惟安得明年此時節
江東重覩舊衣冠

莫道新年賀客遲晴天暖日却相期春風只被多情苦
紅嫩青新總要詩

戲道士阮太虛

阮郎正好住天台玉女多情恐放回雨散雲收一天碧
薰風吹夢到瑤臺

春日聞杜宇

杜鵑日日勸人歸一片歸心誰得知望帝有神如可問
請余何日是歸期

謝送夏衣

南州久客困炎歊汗浥春衫上白毛細葛含風常看看
此情猶勝舊裌袍

謝惠楮衾

吳宮金燮鳳花綾春暖熏籠換水沉那似冰橋楮夫子
滿床明月解微吟

贈儒醫陳西岩

菴苓桔梗時為奇藥籠書囊用有時莫把眼前窮漢論
要知良相即良醫

挑

尋得桃源好避秦桃紅又見一年春花飛莫遣隨流水

怕有漁郎來問津

覓茶

茂綠林中三五家
短牆半露小桃花
客行馬上多春困
特扣柴門覓一茶

贈畫士劉信可二首

毛穎摧鋒入墨池
白雲窓下展烏絲
乘君袖裏孤山月
寫盡橫斜竹外枝
譜係庭筠出管城
育中千畝盡秋清
兒童不悞揮毫意
閑傍虛簷聽雨聲

竹

新篁娟娟如綠玉
蕭然出塵澹無欲
清風明月誰主張

留得此君在空谷

扇

蒲葵也解歸掌握
紈素未應捐篋中
莫把暗塵浣明月
好驅大暑來清風

菊

淵明豈但隱逸人
淵明素懷諸葛志
清香不獨占秋天
菊潭一滴三千歲

賦松

喬松磊磊多竒節
冬無霜雪夏無熱
根頭更有千歲苓
知誰可語長生訣

與魏梅墅

義熙陶令書甲子春秋仲尼尊天王孔明漢賊不兩立
梁公寸念臣而皇

花影

重重疊疊上瑤臺幾度呼童掃不開剛被太陽收拾去
又教明月送將來

絕粒偶書二首

丹府金童善主家百神聽命靜無譁從今何必餐松栢
但吸日精吐月華

龜啣甘露爭先到鳳吸醴泉隨後來投在太清仙酒甕
道人日飲兩三盃

疊山集卷之一

疊山集卷之二

里生潭石共與溥編

五言八句

古詩贈相士吳楚峯

世亂異人出高者為神仙方術皆救世可知愚與賢
君風鑒別妙處不可傳着眼看福人要識太平年

贈宋相士

墮甌看無益棄軒計亦疎忍貧吾自解過論子姑徐
得着而艾飽觀詩與書時乎一盃酒此外儘從渠

求紙衾

避世知無地危身只信天寧持龔勝扇不着樣之綿
養性真同道知心有宿緣紙衾加惠絮晴日卧雲邊

贈相士郭少仙

崇蘭生深林澹泊一點芳江梅倚脩竹醞藉萬斛香氣
骨袍金玉精神貯水霜若以色見我照紅還海棠

送張子高歸延平

亂世讀書少前人教子難青燈嘗合席紅葉燼歸鞍梅
自知春近松應耐歲寒樓高新月好後夜與誰看

送劉治中之信州

冰玉古溪山治中今士元邦人敬文簡道化望曾孫朱
子書堂在東萊講席存十年儒道晦此日喜登門

七言八句

示兒二首

門戶興衰不自由樂天知命我無憂大兒安得孔文舉
生子何如孫仲謀天上麒麟元有數人間豚犬不須愁
養男不教父之過莫視詩書如寇讎

千古興亡我盡知一家消息又何疑古來聖哲少才子
世亂英雄多義兒靖節少陵能自解孔明王猛使人悲
六虞錯改金根字焉用城南勸學詩

代上張經歷

中原自古多豪傑晉國尤多賢大夫學問斷無虛議論
功名須有大規模臂間弓矢真良將舌底詩書笑腐儒
自恨兩賢相識晚不妨盃酒恣歌呼

贈卜者魏易齋

伯陽曾著易參同，奪盡陰陽造化功。
白玉五城人可到，黃金一鼎道無窮。
先生救世心良苦，後派多才命必通。
魏本大名易顯子，明且為筮江東。

題東觀壁二首

觀外好看船往迴，觀中幾度見桃開。
常瞻紫炁青牛去，又帶白雲黃鶴來。
天地無情搔短髮，古今多變付殘盃。
醉中尚有醒時眼，不信玉山人可推。

老樹猶能識道回，好懷長對碧天開。
青山綠水何人管，明月清風要我來。
少日曾聞黃石教，平生幾擲左慈盃。
道兄慣見人間事，快抱棊枰信手推。

和曹東谷韻

萬古綱常擔上有，香鑿鐵硬對皇天。
人生芳穢有千載，世上榮枯無百年。
此日識公知有道，何時與我詠遊仙。
不為蘇武即龔勝，萬一因行拜杜鵑。

和葉愛梅韻

道逢患難正當行，禮食從來孰重輕。
綠鬢行箴堪檢點，白頭去就要分明。
了知死別如龔勝，未必生還似子卿。
緯地經天文不喪，許君獨擅大聲名。

后土茫茫兩屨行，綱常事重此身輕。
大江有士一人半，千載見君雙眼明。
俯仰元無愧，今古英雄何必盡。
公卿早知莫買成，都卜省得人知大隱名。

右葉愛梅詩

和游古意韻

死易程嬰豈不知十年死後未為非文辭未必改秦館

左傳秦穆公殺秦穆公 徒能抱御衣無志何勞悲廟秦繼言

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

命辭每相矣然魯不無與周之志其文侯也得仁更不食山

滿腔忠孝有天知不管人間事已非萬里乾坤變草

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

養臣見復耳陳餘傳武何忍葵心對落暉

履百年身世一麻衣行藏自信床頭易卧病惟餐隴
首薇倘過宗周見離黍幾多新淚向殘暉

和毛靜可韻

孟韓相慕久懸恨不論詩早十年吾道不行知有命

斯文將喪更由天此生何恨為龍勝來世誰能知少連

不信無人扶宇宙是邦豪傑已材然

又和毛靜可韻

一襟書傳日星懸湖海聲名五十年事不求知惟此理

文之未喪豈皆天人方驚怪歐陽子我獨悲傷魯仲連

看鏡倚樓秋已暮風中霜履重依然

和磨蒼崖韻

八閩英傑盛如林安得三忠存至今舊俗風流千載事
精忠大義一般心早知平陸風波惡何必顛崖雲霧深
此日脊梁非鐵硬小顏拳爪定相侵

謂雲峯起義

初到建寧賦詩二首

魏參政執拘投北行有期死有日詩別妻子良

友良明

雪中松栢愈青、扶植綱常在此行天下以無罷勝潔
人間何獨伯夷清義高使覺生堪捨禮重方知死甚輕
南八男兒終不屈皇天上帝眼分明

門人建安梅楚魏天應和韻

疊翁老師將有行賦詩言別綱常九鼎生死一毛

慷慨激烈高風凜然真可以庶頑立懦天應足忠
痼疾莫能往餒回視右山之送坡翁為有媿矣斐
然拜和未知能徹師聽否臨風淒斷

萬疊青山只麼青篋容時止又時行斯文未喪予何
畏舉世隨流我獨清日月精忠今古在丘山道義死
生輕吾翁銖鉅文翁侶無媿淵明與孔明

先生心事炳丹青碩影何曾愧獨行商嶺芝能如橘
隱首陽粟不似薇清綱常正要身扶植出處端為世
重輕安得寒泉來會宿參同極論到天明

右門人建安梅楚魏天應和韻

疊翁老師將有行賦詩讀其辭而見其心天地鬼神

昭布森列不可誣也為之感慨激烈正孫辱在師門弟子之職敢不拜一語以激揚先生之義氣用韻斐然

山色愁予渺渺青平生心事杜鵑行霜饕雪虐天終定巖晚江空水自清肩上綱常千古重眼前榮辱一毫輕
韓明坤順文箕事此是先生素講明

右門人蒙齋蔡正孫和韻

辭洞齋華父二劉兄惠寒衣

離羅內阱何損麒麟友君事憚恣為狗彘凡勸吾入燕吐膏中不平而後死者皆非忠於謀人者也南八男兒死爾不可為不義屈豈敢曰將

以有為乎平生學問到此時要見分明尋惠寒衣義不當受大顛果聰明識道理宵中無滯礙何必受昌黎先生衣服為別耶小詩寫心謾發一笑

平生愛讀龔勝傳進退存亡斷得明范叔綈袍雖見意大顛衣服莫留行此時要看英雄樣好漢應無兒女情只願諸賢扶世教餓夫含笑死猶生

附錄

七言八句

送豐山先生北行

流落崎嶇十二年幾回灑血杜鵑前一雙芒屨乾坤

窄萬古丹心日月懸
按上灵龜元不食
樊中孤鶴且安眠
逃名不得名終在
行止非人亦有天

又陳達翁建安泉石

孤忠不忘綉衣時
跣足狺狂老亂離
鸚鵡可能逃圈網
麒麟能肯受鞭羈
半生苦被名相誤
萬里甘將死自期
今日如公能有幾
此身無媿作男兒

送疊山先生北行

希夷何意出山中心事
當年漢卧龍行止但憑天
作主別離初不淡
沾膏定知晚菊能存節
未必寒松肯受封
大義昭明千載事
前程儘更好從容

右門人王濟淵道可

打硬修行三十年
如今證驗做儒仙
人皆屈膝甘下公
獨高聲罵向前
此去好憑三寸舌
再來不直一文錢
到頭畢竟全清節
留取芳名萬古傳

右門人張子惠叔仁

挽疊山先生

洪平齋

千古精忠日月光
恨無麟筆寫堂堂
還家耻作梁江總
辟穀誰知韓子房
後死十年應有待
輕生萬里故非狂
有兒可拾江邊骨
須信人亡道不亡

又

趙澗邊

西山東海莫容身
芒屨蕭蕭萬里塵
去住更無寬歲月
死生惟有一君親
丹心故國紅雲冷
白骨他鄉塞

草春不是回頭春已暮至今猶說似痴人

和道士陳天隱三首

明知儒道本同流未了因緣不自由紫府寥陽隨念到
紅塵辛苦幾時休精神嘗與天來往軀殼不知誰滯留
穹壤豈無陸脩靜知君認得故吾不

豈不逍遙自采真世間何地可容身碧潭秋月元無物
麗日祥風只愛春天上儘多知己友塵中安得見心人
赤虬一躍蓬萊近又恐丹丘有宿因

學道無魔道不成神人得計是無名光風自覺長瀟灑
明月何曾有死生早悟燕山難養性何如福地別尋盟
梅花香裏堪聯句莫笑人間石鼎鳴

壘山集卷之二

壘山集卷之三

里生潭石黃濤編

五言長篇

謝劉純父惠木綿布

嘉樹種木綿天何厚八閩厥土不宜桑蚕事殊艱辛木
綿收千株八口不憂貧江東易此種亦可致富殷奈何
來疴癘或者畏蒼旻吾知饒信間蚕月如岐邠兒童皆
衣白豈但奉老親婦女賤羅綺賣絲買金銀角齒不無
與二道斯平均所以木綿利不昇江東人避秦衣木葉
矧羞懸鶉天下有元德孔融頌卜鄰綈袍望不及共
裘上自仁贈我以兩端物意皆可珍潔白如雪積麗密
過細無縫不足貴狐腋難擬倫希纊皆作貢此物不

薦不豈非神禹意隱匿遺小民詩多草木名箋疏徒諄
諄國家無楚越欲識國無因剪裁為大裘窮冬勝三春
拜嘉重感激觸物尤酸辛吁嗟彼寒谷鄒律今不神三
宮至穹廬雨雪或十旬安得遺此惠飛到君王身塞上
寒壘指挾纜誰為溫人各賜兩端費銀二萬斤大軍四
十萬談笑却胡塵感君道義交何異骨肉親可與知者
道眾人笑且嗔玉案未能報瓊琚情則真春秋二百年
故交幾君臣季札有贈好千古尚如新

謝張四居士惠紙衾

年擣玉楮瑩潔無滓迥清興厭純綿安有塵可振夜
白畫中冰雪心不系夢覺梅花香爐紅絕煙熅疑到

玉皇前俯視日月暈人間綺羅帳何異錦覆糞吾慕恐
寒人從師將魯隣爵祿不可辭高舉已在汶獨憐無褐
民茅簷凍欲墮大裘正萬丈德心欠廣運天下皆無寒
孔孟有素蘊願與物為春衾鉄吾不慍以君志趣高惠
我無俗韻縞帶報紵衣僑札真契分

謝人惠米線

玉粒百穀王有功滿人窠春磨作瓊屑飛雷落九閩翁
張化瑤線弦直又可亨湯鑊海沸騰玉龍自相板銀齋
袞雪浪出沒幾漩深有味勝湯餅飮歌不愁瘵包裹數
十里瑩潔無點班興師遠持備此物正可須千萬一日
飽不費金數錢長安權貴人五鼎新笑顏玉食過九重

恨無上字版豈知有瓊藥天雨到市闌頭戴空峒帝馬
迷龍難攀

謝人冬至送鴨酒

陽復且閉閑萬物畏坤含雙鳧飛天外鷺食何貪婪儒
道又一泰十年亂愈燄誰家讀書堂庭階無青蘆此時
談詩書蓮經提魚籃平生太玄文知者無一譚之子愛
野鶩驥駒舞兩驂厚顏酒食饌不備懸鷓鴣寒威甚毒
夫三盃勝七釂爛醉尋梅花登峯吾尚堪

乞醯

平生忍酸寒鼻吸醋三斗先民耻乞字乞醯良可醜賣
鷄買魚烹鷄魚誰舍取將為水晶餽聊悅苦吟口主人

無醯調和只宜酒一夜嚴霜寒池永堅可扣誰知酒
不冰流斯魚可走旁觀粲然笑易牙知此否始知五味
和鹹酸必相有提壺我有求君甕肯教甑宿諾惠未來
望梅渴已久似聞君釀醯巧心出揚柳楊柳屬他人腸
斷香山叟舉瓢酌醯時又憶玉纖手一顧一心酸淚珠
滿翠袖此亦人至情何不告朋友古人有乞得酒意
愈厚又恐酒俱來太歲正在酉時乙酉歲

謝黃禪師華嚴會供食

十兆九萬拜求道心如倏毗盧頂上珠直欲一手探天
厨送誰饌眾腹豈敢貪君有維摩心作蜜憐吳蚕八萬
四千供只須丈室函昔我聞晨鐘今載草堂柵流年急

如梭長歌愧僊藍勇尋趙州関何畏白髮鬚願為護法
輪金甲持長鎗又恐回道入晚遇黃龍南

贈道士阮太虛何存齋

六道四生苦何人不煩惱官人自做官道人自脩道相
逢不下馬各自尋蓬島前生非親契今生如何好本來
不因緣安得有果報未非人捉來到是天送到我若不
呈醜道教一齊倒春風縛不住秋月蝕愈皎莫登時貴
門談天恨欠早對面不相識開口便激惱譬如弄雜劇
徒取傍人笑道我是風顛知我已明了莫愁我飢渴天
厨食自飽真宰善解家未敢與人道

七言長篇

菖蒲歌

有石竒峭天琢成有草天二冬夏青人言一蒲非一種
上品九節通仙灵異根不帶塵埃氣孤操愛結泉石盟
明窓淨几有宿契花林草砌無交情夜深不嫌清露重
晨光疑有白雲生嫩如秦時童女登蓬瀛手携綠玉杖
徐行瘦如天台山上聖賢僧休糧絕粒孤鶴形勁如五
百義士從田橫英氣凜凜磨青冥清如三千弟子立孔
庭回琴點瑟天龍鳴堂前不入紅粉意席上常聽詩書
聲恠石篠蕩皆充貢此物舜廟當共登神農知已入本
草灵均殺賢遺騷經幽人耽翫發仙興方士服餌延脩
齡綵雉紫鳳琪苒苑亦虬玉麟芙蓉城上界真人好清

淨見此灵苗當大驚我欲携之朝太清瑤草不敢專芳
馨玉皇一笑留香案錫與有道者長生人間千花萬草
儘榮艷未必敢與此草爭高名

荆棘中杏花

牆東荒蹊抱村斜荆棘狼籍盤根芽何年飛杏此留種
小紅減減爭春華野人慣見謾不省獨有詩客來咨嗟
天真不到鉛粉筆富艷自是宮闈花曲池芳選非宿昔
蒼苔濁酒同天涯京師惜花如惜玉曉擔賣徹東西家
杏花看紅不看白十日忙殺遊春車誰家園裏有此樹
鄭重已着重幃濕阿嬌新寵貯金屋明妃遠嫁愁清笳
落花繁蘂拂床帶亦有飄泊沾泥沙天公無心物自物

得意未用相陵誇黃昏人歸花本語惟有落月啼棲鴉

贈何古梅學醫

永州何仙藥最灵神化能潰邕州城廣西兩道弄清平
百萬赤子荷更生笙鶴一去三百年東南忽變為腥膻
為血為肉生灵苦在者瘡痍何日痊上界真人有同性
不學神仙學孔孟有術醫國無人知要為吾民救微命
察脉肥瘠韓子精論疾陰陽子產明神功端不讓思邈
古道依然如宋清得錢賣藥必取利無錢乞藥喜捨施
好客來時入酒壚無朋終日閱書市憶昔民生三皇前
下壽無疾享百年神人妙用不可見本草灵素猶有傳
古云醫不通三書世上斷不服其藥如君膏中有艾黃

冷笑三書盡猶我聞上帝最好生活人功多朝玉京
請看岐史至陶葛神仙多是良醫成東南千丈二十秋
人無貧富眉長愁千人幸有一人在到處呻吟無歌詠
遺黎若要家平康但願良醫自天降不龜手藥有良時
好看良醫作良相

贈書梅吳雪塢

吳君雪塢善畫梅竹宵次葵窩所交多賢人梅竹其
所好雪塢其所居穹壤間如有五更風雪夜當門
乞人必能知吳君之不凡矣廣信謝枋得贈之詩曰
冷癡寒極雪漫漫天下無人知素安起來門前問梅竹
吾文可以話歲寒歲寒心腸似鐵石不與萬木同摧殘

有時醉中畫梅竹洪鈞只在掌握間人生莫與天平巧
上帝一見開笑顏八極俗物不足道千年陳人無可觀
誰能奈得此雪過春風去後終須還千紅萬紫爭爛熳
梅竹携手隱空山臯陶庭堅不似若程嬰杵臼存孤難
豈無當門獨立者五更風雪不相干上帝慈仁須動念
醒來紅日上三竿

謝藥

雪深不能鑿黃精天寒不能斲茯苓瑤華共食何日長
還丹獨鍊何時成如來憐我似鶴形指揮龍樹露神靈
佛無去死無生滅何用夢我以長生

謝惠椒醬等物

董茶易地味不甘薑桂到老性愈辣人言申椒能變化
我見苾芬終不滅古來郊廟薦德馨此物氣味通神明
開口一笑露眼睛望君點化佛先成
孔子愛食蔬菜羹中無醬必不食先生執醬饋高年
此味珍羞豈易得瓶中有粟喜過望誰憐陶令分嘉餉
嘉君不作無髮人免得東坡借搖醬

謝麩

豐年自古說來年四月麥熟勝秋收天厨送食不待求
存麩餘飽吾何憂安得化身為兒童戲沙作麩可報荅
授記或為阿育王請鑄八萬四干塔

崇真院絕粒偶書付兜照之定之并呈張蒼岑劉

洞齋華甫

西漢有臣龔勝卒閉口不食十四日我今半月忍渴飢
求死不死更無術精神常與天往來不知飲食為何物
若非功行積未成便是業債償未畢太清群仙宴會多
鳳簫龍笛鳴瑤瑟豈無道兄相提携騎龍直上寥天一

寒食鄆州道中

沁春園調

十五年來逢寒食節皆在天涯歎雨濡露潤還思宰柏
風柔日媚羞看飛花麥飯紙錢隻鷄斗酒幾誤林間噪
喜鴉天笑道此不由乎我也不由他

鼎中鍊熟丹砂把紫府清都作一家想前人鶴馭常遊
締闕浮生蟬蛻豈戀黃沙帝命守墳王令脩墓男子正

當如是邪又何必待過家上塚書錦祭華

疊山集卷之三

疊山集卷之四

里生潭石黃溥編

書

上程雪樓御史書

十月朔日丁憂人謝枋得稽顙再拜奉書于雪樓御史
中丞相公執事大元制世民物一新宋室孤臣只欠一
死某所以不死者以九十三歲之母在堂耳罪大惡極
獲譴于天天不勦厥命而奪其所恃以為命先妣以今
年二月二十六日考終於正寢某自今無意人間事矣
禮曰傷哉貧也生無以為養死無以為葬某幼讀此書
何知其苦乃今身履之而後痛楚不能禁某三十一而
入仕五十一而休官平生實歷不滿八月俸祿無一毫

歸家養親已不可言孝矣惟黽勉送死或可以少贖前過親喪在淺土貧不能禮葬苦塊餘息心死形存小兒傳到郡縣公文乃知。欲求至誠無偽以公滅私明達治體可勝大任之才執事薦士凡三十賤姓名亦玷其中執事將降旨督郡縣以禮聘召有願應詔者以資幣厚遣乘傳上京弓旌招賢輪帛迎士此禮不見於天下久矣豈非清明一盛事乎有志經世者孰不興起惜乎求異才而及其非其人貽笑於天下取譏於後世非。○。夢卜求賢之初意也揚善者順天薦賢者報國執事為君謀亦忠矣自燕京至上饒五千里當執事薦士時豈知其有母之喪衰經之服不可入公門草

土之街不可徹殿陛姓名不祥者不可辱古靈薦善也稽之古禮子有父母之喪君命三年不過其門所以教天下之孝也解官持服在大元制典尤嚴自伊尹傳說之後三十年間山林匹夫辭烟霞而依日月者亦多矣未聞有冒哀匿服而膺幣聘者傳曰求忠臣必於孝子之門為人臣不盡孝於家而能盡忠於國者亦未之有也某親喪未克苑持服未三年若違禮背法從郡縣之令順執事之意其為不孝莫大焉。○。以道德仁義治天下取士必忠孝人有不葬其親而急於得君者人心何在天理何在非聖君賢相所忍聞也且夫至誠無偽以公滅私明達治體可勝大任三代而下真是當此選者

惟諸葛孔明一人孔明居隆中執事生古郢皆荆楚奇
才也孔明未遇時立心制行必有大過人者襄陽耆舊
能言之此執事所熟聞亦執事所願學今天下果有人
物髣髴孔明者乎有斯人應斯詔固世道之福亦儒道
之幸光岳之氣久裂者未全六經之道久微者未昌置
八紘羅六合以求才老者怯而不可用壯者狂而不可
信少者未成才而不可得姑取吉人善士以和光同塵
當饋可無思拊髀可無歎野史記之曰甚哉上下之相
蒙也此豈。所樂哉此豈執事所願哉語曰人豈不
自知謀拍婦矣亡國之大夫不可以圖存李左車猶能
言之况稍知詩書頗識義理者乎某之至愚極闇決不

可以辱召命亦明矣當執事薦士時特不知某有母之
喪耳倘知之必不以不祥姓名瀆旅冕執事豈不聞前
朝之事乎淳祐甲辰丞相史嵩之父沒天子詔起復嵩
之雖不來大學生叫閭闔而攻之其詞曰天子當為國
家扶綱常為天地立人極奪情非令典起復非美名朝
臣惟徐忠公元杰上疏主正論力勸君父宜令嵩之終
三年喪人心天理不可泯滅此嵩之所以壽終吾宋之
所以幸存三十年也咸淳甲戌而後不復有禮法矣賈
似道起復為平章文天祥起復為帥閻徐直方起復為
尚書陳宜中起復為宰相劉黻起復為執政饒信斗胥
穿窬之徒鑽刺起復不可勝數三綱四維一旦斷絕此

生靈所以為肉為血宋之所以暴亡不可救也豈非後
車之明鑒乎忠臣論事必識大體君子取人先觀大節
執事不可稱匪其人而孤。○求才之意某不可進不
以禮而誤執事知人之明不待智者而知之矣為人子
止於孝為人臣止於忠某不能為忠臣猶願為孝子傳
曰君子成人之美不成人之惡執事能亮某之心使某
幸而免不孝之名是成我者之恩與生我者等也某家
在弋陽執事僑寓盱江相望二石餘里當徒跣以謝門
墻惟服色悽慄不可以謁達官貴人敢以書白于侍御
者語曰士屈於不知已而伸於知已執事豈不聞某為
江南一愚直人乎人無所不至惟天不可欺某所以發

露真情而不假文飾其辭者亦特執事必知已也不備
某稽顙再拜

上丞相劉忠齋書

七月吉日門生衰經謝枋得謹齋沐裁書百拜託友人
吳直夫獻于內相尚書大丞相國公忠齋先生釣座惟
天下之仁人能知天下之仁人惟天下之義士能知天
下之義士賢者不相知多矣能灼見三俊之心者必聖
人也某自壬戌以後小夫竿牘不至門墻者二十七年
孰不以為簡先生曰斯人也非簡我也必愛我也今天
下能知某之心者孰有過於先生乎事有當言而不言
則非所以酬知己某敢不避誅斥而僭言之君子之所

為必非衆人之所識湯可就桀亦可就必道義如狂尹
者能之伯夷柳下惠不能也佛胥召可往公山弗擾召
可往必聖神如孔子者能之曾顏閔不能也傳曰人各
有能有不能先生之所能某自知某必不能矣。○本
無滅宋之心郝奉使將命來南欲使南北百萬億蒼生
同享太平之樂至仁也只此一念自是以對越上帝賈
似道執國命十六年欺君罔上誤國殘民其惡不可一
二數拘行人負歲幣滿朝無一人敢言其非兵連禍結
亡在旦夕滿朝無一人敢聲其罪善類亦可自反矣天
怒于上人怨于下國滅主辱理固宜然天實為之人豈
能救之哉。○之禮三宮亦可謂厚矣。○保全亡國

之臣亦可謂有恩矣江南無人才未有如今日之可耻
春秋以下之人物本不足道今可求一人如瑕呂飴甥
程嬰杵臼廝養羣亦不可得矣先生少年為倫魁晚年
作宰相功名富貴亦可以酌素志矣奔馳四千里如大
都拜見。○豈為一身計哉將以問三宮起居使天下
後世知君臣之義不可廢也先生此心某知之天地鬼
神知之十五廟祖宗之靈亦知之衆人豈能盡知之乎
師友之相知古今寧幾人哉事有可效忠於清朝者某
不可不言先生亦不可不察近觀路縣及道錄司備奉
尚書省指揮江淮行省叅政管公將旨來南根尋好人
根尋不覩面皮正當底人此令一下人皆笑之何也江

南無好人無正當人久矣謂江南有好人有正當人者皆欺。也何以言之紂之亡也以八百國之精兵不敢抗二子之正論武王太公凜凜無所容急以縶滅與絕謝天下殷之後遂與周並立使三監淮夷不叛則武庚必不死殷命必不黜殷之位彌必不奪微子亦未必以宋代殷而降為上公也多士多方依然不忘舊君者三十年成王周公以忠厚之心消其不平之氣曰商王士曰有殷多士曰殷逋播臣未敢以我周臣民例視之太平君相待亡國臣民何如此其厚也豈非殷之舊國故都猶有好人猶有正當人乎唐人哀六國之滅者也妃嬪媵嬙王子皇孫辭樓下殿輦乘于秦朝歌夜絃

為秦宮人至今讀者猶惻楚六國臣子無一痛心刻骨亦可謂無人矣楚懷王不過一至愚極闇之主耳播弃忠直信任姦邪送死咸陽無足哀者楚人乃憐之如悲其親戚豈不曰楚本無罪不過弱而不能自立耳楚滅矣義陵一邑惓惓於舊君者惟一心扶老携幼肥遯桃源後六百年兒孫尚野外人相接以秦皇帝之威靈蒙恬蒙毅之智勇豈不能盡執楚人而拘之天常民彝不可泯滅姑留此輩以勸吾忠臣義士可也豈非楚之舊國故都猶有好人猶有正當人乎女真之破汴京也劫二帝據中原土地人民皆其有矣粘罕多智人也知地廣人稠未易心服一讀馬伸秦檜議狀為之動心變色

亟思一策處之爾後南北戰者六七年女真之待二帝亦慘矣宋之臣子不敢置兩宮於度外也今年遣使祈請明年又遣使祈請今年遣使問安明年又遣使問安一使死於前一使繼於後王倫一市井無賴狎邪小人耳謂梓宮可還太后可歸諸君子切齒怒罵終則二事皆符其言行人洪忠宣拘留燕山開門授徒室燃敬其忠信誠懇一日問之曰天下何時可太平忠宣曰息兵養民則太平又曰何如則可以息兵養民忠宣讀孟子齊宣王問諸侯救燕一章以對和聲琅誦曰天下固畏齊之強也今又倍地而不行仁政是動天下之兵也又讀孟子樂天畏天一章曰小國能畏天大國能順天室

然曰善哉善哉吾計決矣曾幾何時密授秦檜以江南稱藩國納歲幣之說而息兵養民矣女真自丁未以後安處中原享國百有八年而宋自戊午至甲午偷安江南者九十七年非秦檜之功皆洪忠宣讀孟子勸室燃之力也豈非江左臣子猶有好人猶有正當人乎以某觀之江南無好人無正當人久矣求好人正當人於今日尤難某江南一愚儒耳自景定甲子以虛言賈實禍天下踰為風漢先生之所知也昔歲程御史將旨招賢亦在物色中既被肝瀝膽以謝之矣朋友自大都來乃謂先生以賤姓名薦朝廷過聽遂煩旌招某乃丙辰禮闈一老門生也先生誤以忠實二字褒之入仕二十一年

居官不滿八月斷不敢在道隨人以辱大君子知人之
明今年六十三矣學辟穀養氣已二十載所欠惟一死
耳豈復有他志自先生過舉之後求得道高人者物色
之求好秀才者物色之求藝術人者物色之奔走逃遁
不勝其苦中書行省魏參政之言勒令福建有官不仕
人呈文憑根脚者又從而困辱之此非先生之賜而何
然先生豈有心於害其哉大抵朝拜一番求賢不過為
南人貪酷吏開一番騙局趁幾錠銀鈔欺君誤國莫大
焉今則道錄司備參政管公將隆旨根尋好人不覩面
皮正當人又物色及某矣某斷不可應聘者其說有三
一曰老母年九十三而終殯在淺土貧不能備禮則不

可大塗妻子嬰婢以其連累死於獄者四人奇殯叢冢
十一年矣旅魂飄飄豈不懷歸弟姪死國者五人體魄
不可尋遊魂亦不可招也凡此數事日夜關心某有
何面目見先生乎此不可應聘者一也二曰有天下英
主必能容天下之介臣微介臣不能彰英主之仁微英
主不能成介臣之義其在德祐時為監司為帥臣嘗握
重兵當一面矣蒯通對高祖曰彼時臣但知有齊王韓
信不知有陛下也滕公說高祖曰臣各為其主季布為
項羽將而盡力乃其職耳項氏臣可得而盡誅耶某自
丙子以後一解兵權棄官遠遁即不曾降附先生出入
中書省問之故府宋朝文臣降附表即無某姓名宋朝

帥臣監司寄居官員降附狀即無某姓名諸道路縣所
申歸附人戶即無某姓名如有一字降附天地神祇必
殛之十五廟祖宗神靈必殛之甲申歲。降詔赦過
宥罪如有忠於所事者八年罪犯悉置不問某亦在恩
赦放罪一人之數夷齊雖不仕周食西山之薇亦當知
武王之恩四皓雖不仕漢茹商山之芝亦當知高帝之
恩况美藜含糲於。之土地乎。之赦某屢矣某
受。之恩亦厚矣若效魯仲連蹈東海而死則不可
今既為。之游民也莊子曰呼我為馬者應之以為
馬呼我為牛應之以為牛世之人有呼我為宋適播臣
者亦可呼我為大元游惰民者亦可呼我為宋頑民者

亦可呼我為。逸民者亦可為輪為彈與化往來重
譬鼠肝隨天付子若貪戀官爵昧於一行縱。仁恕
天函地容哀憐孤臣不忍加戮某有何面目見。乎
此不可應聘者二也某受太母之恩亦厚矣諫不行言
不聽而不去猶願勉竭鴛鴦以報上也太母輕信二三
執政之謀挈祖宗三百年土地人民盡獻之。無一
字與封疆之臣議可否君臣之義亦大削矣三宮北遷
乃自大都寄帛書曰吾已代監司帥臣具姓名歸附宗
廟尚可保全生靈尚可救護三尺童子知其必無是事
矣不過給群臣以罷兵耳以宗社為可存以生靈為可
救賜給臣民以歸附此太母之為人君自盡為君之仁

也知宗社不可存生靈不可救不從太母以歸附此某
為人臣自盡為臣之義也語曰君行令臣行志又曰制
命在君制行在臣大臣者以道事君不可則止孔子嘗
告我矣君臣以義合者也合則就不合則去某前後累
奉太母詔書並不回奏惟有繳申二王乞解兵權盡納
出身以棄文字生前致仕削籍為民遯逃山林如殷之
逋播臣耳聞太母上仙久矣北向長跽恨不即死然不
能寄一功德疏如任元受故事今日有何面目捧麥飯
洒太母之陵乎此不可應聘者三也今朝建欲報尋好
人不覲面皮正當底人某決不可當此選先生若以三
十年老門生不背負師門為念特賜仁言為某陳情於

江淮行省叅政管公頤移閱諸道路縣及道錄司不得
縱容南人貪酷吏多開騙局脅取銀鈔重傷國體大失
人心俾某與太平草木同沾聖朝之雨露生稱善士死
表於道曰宋處士謝某之墓雖死之日猶生之年感恩
報恩天實臨之司馬子長有言人莫不有一死死或重
於太山或輕於鴻毛先民廣其說曰慷慨赴死易從容
就義難先生亦可以察某之心矣干冒鈞嚴不勝恐懼
戰慄之至

與叅政魏容齋書

九月吉日前宋逋播臣。游民謝某謹齋沐頓首致
書于大叅政公閣下大元制世民物一新宋室逋臣只

欠一死上天降才其生也有日其死也有時某願一死全節久矣所恨時未至耳。○慈仁如天不妄殺一忠臣義士雖曰文天祥被姦民誣告而枉死後來冤狀明白姦民亦正典刑其待亡國之逋臣可謂厚矣某雖至愚極陋豈不知恩所以寧為民不為官者忠臣不仕二君烈女不事二夫此天地間常道也有伊尹之道有伊尹之志則何事非君何使非民若伯夷柳下惠則自知不能為伊尹決不敢學伊尹矣自丙戌程御史彌雪樓將隆旨宣喚之後今第五次蒙。○以禮招徠上有堯舜下有巢由上有成湯下有隨光上有周武下有夷齊某所以效虞人之死而不往願學夷齊之死而不仕者

正欲使天下萬世知。○之量可與為堯舜可與為湯武能使謝某不失臣節視死如歸也茲蒙大丞相公拘管周先生道院日夜勞動錄事司吏卒十餘人及坊正屋主監守豈不憂某之逃走耶某是男兒死即死耳不可為不義屈何必逃走大丞相公憂慮亦大勞矣先民有言慷慨赴死易從容就義難某茲蒙大丞相公縲紲而到大都以縲經見留忠齋諸公且問諸公容一謝某聽其為大元閑民於大元治道何損殺一謝某成其為大宋死節於大元治道何益只恐前誤大宋後誤大元上帝監觀必有報應諸公自無面目立於天地間某母喪未葬據禮經不可除服只當縲經見公卿凶服不可

入君門。○有命當歷寫江南官吏貪酷生靈愁苦之
狀作萬年書獻陛下。一聽進退忠臣不事二君烈女不
事二夫此某書中第一義也。某自九月十一日離嘉禾
即不食煙火。今則并勺水一果不入口矣。惟願速死與
周夷齊漢龔勝同垂青史。可以愧天下萬世為臣不忠
者。茲蒙頒賜仰見禮士之盛心。某聞之食人之粟者當
分人之憂。衣人之衣者當任人之勞。乘人之車者當載
人之難。某既以死自處。度此生不能報答恩遇矣。義不
敢拜受。所有鈞翰。臺餽事件。盡交還來使。回納使館。外
郎又傳鈞旨云。欲訪問某何事。某初志亦願效一得之
愚。今則決不敢矣。魯有公甫文伯死。其母改姜不哭。三

老曰焉。有子死而不哭者。夫其母曰孔子聖人也。再
遂於魯。而此子不能終令其死也。未聞有長者來內人
皆行哭。失聲閨中自縊者。二此子也。必於婦人厚而於
長者薄也。吾所以不哭。君子曰此言出於母之口。不害
其為賢母也。若出於婦人之口。則不免為妬婦矣。言一
也。所居之位異。則人心變矣。某義不出仕者也。今雖有
忠謀奇計。則人必以為妬婦矣。恐徒為天下所笑。惟相
度容之。干冒鈞嚴。不勝悚慄。

豐山集卷之四

豐山集卷之五

里生潭石黃溥統

書

與李養吾書

某惟祖宗於舍選擢倫魁視進士上三恩數尤渥賜袍笏大成殿下即日授國子錄升崇化堂與兩司成衆學官序爵而坐不待親民而入朝固以執政宰相望之矣後雖渝初意失舊法西澗七年給札亦未為遲執事坐爐亭時聲名赫赫震京師諸老先生恨識面之晚出場屋以程文示向舍皆心降辭服推讓為第一登名日果巍然道群英七年三優如執左契科目由人重誰不以西澗為躅期之恬退六年僅得一學官在外為漕司掾

人皆曰不才宰相必不能容天下第一流人物當以養
吾進退去就視之陸宣公有言興王之良佐皆是季世
之棄才養吾不屈節受窮官於陳宣中留夢炎劉黻柄
國之時吾知天地祖宗之意已有所屬宇宙大變一世
無餘人饒信時文之士勇為亂臣賊子者尤衆少康逃
匿有仍氏者四十年宣王逃匿召公家者十有四年夏
周爾侯公卿大夫背叛者不見於史策是何三代忠臣
之多也養吾潔身全節於深山密林間屹然如黃河之
有砥柱先儒謂世有非常之變天必豫出非常之人以
變之吾於是有望矣藝祖皇帝最重讀書人天地折缺
之餘正望其整頓人極傾顛之際正望其扶持在天之

靈想亦不能忘情也子房不能存韓而歸漢孔明不能
興漢而保蜀君子憐之今日之事視二子尤難愚公移
山精衛填海取訕笑於腐儒俗吏鄙夫庸人固宜程嬰
杵曰樂毅申包胥果何人哉天地間大事決非天地間
常人所能辦使常人皆能辦大事天亦不必產英雄矣
夷狄不可為諸夏之王古今未有絕正統之時使君臣
上下同一豺狼蛇豕之心而可立國秦始皇隋文帝必
不再世而止矣使五帝三王自立之中國而終為戎狄
所滅使君無桀紂幽厲之惡而一廢不復興少康宣王
東周蜀漢之事皆不可信矣人力終有窮天道終有定
壯老堅一節終始持一心吾獨於養吾有望某嘗有言

人可回天地之心天地不能奪人之心大丈夫行事論是非不論利害論逆順不論成敗論萬世不論一生志之所在氣亦隨之氣之所在天地鬼神亦隨之願養吾益自珍重儒者常談所謂為天地立心為生民立極為去聖繼絕學為萬世開太平正在我輩人承當不可使天下後世謂程文之士比日大言無當也

與建寧路母府判薦朱山長

知公度量足以翕受一世之人物敢以士獻朱文公之後能世濟其美者亦罕矣四方善類幾年長太息某客閩十三年所交朋友能讀四書者儘多求其明辨力行真踐實履果無愧文公四書之教者惟泳道朱公沂一

人癸未年初識之逆旅中狀貌與文公無異揖而問其姓字則文公曾孫也聽其議論覘其志趣絕似西北人無一點江南時文氣習遂為莫逆交每歲或一相會觀其論古今人物高下國家興廢善類仕止久速之故掃盡華葉獨存根株使其老為太平民正謂胡瑗嘉祐真講官也生不逢時可為浩嘆乙亥巳前侍從監司太守以遺逸薦者衆矣泳道皆不應聘某問其故則曰吾家如侍郎在總領繼畿漕秘撰後非不遇賢宰相以文公之故穹官膺仕如取諸寄終為一俗吏既無補於世道徒有忝於家聲此其所深愧也所以用力文字與郡國薦名必由科舉奮身者願一洒從相從妹從兄之耻使

文公之道取信於萬世也天耶命耶今何言哉某聞而
悲之惟誦努力加餐飯無事長相見兩句以相勉今在
建安書院與釋菜頌梅庵枉駕訪之延至門下與之談
論必有以契盛心者若信其非江南時文氣習則願以
建安武夷書院山長或提督官待之亦扶持世道興起
斯文第一義也

與劉秀岩論詩

詩於道最大與宇宙氣數相關人之氣成聲聲之精為
言言已有音律言而成文尤其精者也凡人一言皆有
吉凶况詩乎詩又文之精者也某辛未年為陳月泉序
詩云五帝三王自立之中國仁而已矣中國而不仁何

以異夷狄理之變氣亦隨之近時文章似六朝詩又在
晚唐下天地西北巖疑之氣其盛於東南乎當時朋友
皆笑之曰幸而中此說有證先人受教章象先生趙公
澗泉先生韓公皆中原文獻說詩甚有道凡人學詩先
將毛詩選精深者五十篇為祖次選杜工部詩五言選
體七言古風五言長篇五言八句四句七言八句四句
八門類編成一集只須百首次於文選中選李陵蘇武
以下至建安晉宋五言古詩樂府編類成一集次選陶
淵明韋蘇州陳子昂柳子厚四家詩各類編成一集次
選黃山谷陳后山兩家詩各編類成一集此二家乃本
朝詩祖次選韓文公蘇東坡二家詩共編成一集如此

揀選編類到二千詩詩人大家數盡在其中又於洪邃
編晚唐五百家王荆公家次通選唐詩內揀七言四句
唐律編類成一集則盛唐晚唐七言四句之妙者皆無
遺夫人能如此用工時一吟詠不出三年詩道可以橫
行天下天下之言詩者無敢縱矣其舊日選毛詩陶詩
韋詩石山詩為劫火所焚今欲編類無借書之地江仲
龍有劉果齋火前杜詩頗存其曾為校正今為阮二道
士所執矣執事若有意謾借李杜陶韋黃陳文選詩隨
得一種便發未當為揀擇必有一得可以備風騷壇下
奔走之未其今在書坊借得庵宇甚清幽秋冬無他往
尚可來聽教有懷如海當與握手精談也

為蔡文節公子孫免差科書

某等輒有愚慮之一得仰禪教道敲分切惟賢者不得
見得見其象者可以崇之矣古之人不得見得見其似
者可以續之矣范文正公守嚴州求嚴子陵之後而免
租稅奉祠事者四家黃子畊守台州求謝上蔡之後給
以田宅者數人余景瞻守南劍求楊龜山之後賜以室
廬養以廩稍者十餘口皆明時士大夫盛德事也故家
遺俗之昌微豈特與郡政有相關者斯文之興喪世道
之污隆君子亦相覘之伏見先賢西山先生蔡文節公
學貫天人道高百世師事朱文公最久文公敬之無以
異於二程之尊康節也慶元學禁五十九人惟文節受

禍最慘子孫最多賢人以為天道可信厥子節齋九峰
二先生守父訓明師道以德行文學為東南師表厥孫
覺軒以立言垂不朽久軒先生文肅公精忠大節尊主
庇民使文公之道愈信於天下士大夫能讀文公書者
多矣未有一門三世力扶道脉如蔡氏者家傳清白恒
產本不多其曾孫蔡某某自至元十三年歸附後遭
貪酷轉運破其家又奪其田逃難江西近方還里田為
橫民冒佃者半荒萊無人耕墾者半路官撥入馬站戶
家有一物直錢則鬻以養馬今則無可鬻者矣皆為困
窮民鄉人之善者大夫之賢者見之莫不流涕范文正
之免租黃子耕之給田宅余景瞻之賜室廬廡稍不可

望於今人矣切見文公門人能扶植道脉如劉文簡公
黃文肅公之家皆蒙宣慰使薦舉省府褒表應有田產
並免差科其已站戶而破產者並與公簡出站與儒戶
一例優恤獨蔡文節公一門三世尊信師道有功名教
尤在諸賢之右特以孫孤弱寒窶不為當路達官貴人
所知不得與劉文簡黃文肅兩家同沾清朝仁厚之澤
豈非明世一闕事乎况蔡某等已係試中儒人必蒙優
恤某等切聞師誨見義必為庸敢合辭鳴號於大人君
子之前欲望台慈備詞申呈建寧路總管府福建道行
尚書省府乞賜指揮劄下建寧路建陽縣將蔡文節公
家子孫充為站戶而產去稅存者特與公簡出站照文

公門人子孫及儒戶體例除地稅商稅外並免一應差科予以扶持名教興起人心有關於三極之道甚大豈特儒家有所勸獎知所趨向而已哉主張經維是在師道干冒師尊下情不勝俯伏俟命之至

與天師張簡齋書

某介怙慈仁輒有忱懇閩右武夷一派士大夫尊道傳法者固多能推廣教主美意者寧幾人以某所見察之奉行正一教法的有契敷行道濟物活人之功者惟建安周君震一君儒者也厥祖告院先生乃一世名流趙愚菴信菴吳履齋徐意一余樵隱咸羅致門下為重客建士黃魁以下習春秋者皆師之其尊文質軒先生累

膺旌幣逃名山林年六十四之精神丰度如三十少年杜門謝客脩然出塵望而知其為有道君子家在城府不妄友一人其遊建上一見如故交辱館聚於迎仙道院者兩旬因識其子孫八九人孝慈友悌一家之三代也持敬乃其家子晨夕事王虛玄帝如嚴君婚友疾病難厄其祈焉如響斯荅武夷觀阨於河西僧上下無敢出一手援持敬默禱之帝一夕僧感夢震驚獄遂散某遇夜朝斗忽見四人跨高馬而來一人黑衣披髮端坐於庭前乃玄帝也道士黃君亦熟視禮拜此持敬至誠所感召也持敬慕簡齋如天人隆師尊道一念真切行五百里而辨香參禮倘蒙異眄厚遇之如某受賜亦足

以勸天下學道者意長紙短益重懷慕仰祈台照

與道士桂武仲

某於建寧城中識周質先生有道之近古之逸民也其人忠厚篤敬言不妄發人不妄交行不妄動猶有趙信菴王修齋之風家在城府與時貴寓公士友無一人往來某不知何脩何飾獨蒙異顧館粲兩旬聽其議論挹其精神備然出塵埃之外真可謂可與神遊八極之表者其令似周克持敬少慕道教脩真行法以濟活人為心一毫無所利捨宅為道院奉事玄帝如嚴君玄帝勛之如父詔子感應神異不可一一數建邵得道者此其第一流也持敬平生以不登祖師正一玄壇不識簡齋

天師真人為大歎行六百里持辦香叅禮可謂盡心焉耳矣某既拜書簡齋不封蠟而經台覽持敬與其交通如兄弟望尊契兄留之門墻介之謂簡齋倘有所祈全賴吹噓將大與之力黃兄方外亦古君子某甚敬之并累造化惟仁賢留意焉

薦寫神黃鑑堂

某聞諸吳履齋其父吳正肅公題門榜曰寬著胸襟行好事大開庭戶納春風履齋強為善有大庇天下寒士心固無愧家學出正肅之門如徐意一者好賢樂善慈惠恢廓之風猶有傳也特此有禱

黃鑑堂丹青不減顧愷之間立本達官貴人多收
之其人淳朴有古意不善干謁藝愈精而愈窮十
三年來中國之衣冠盡變鑑堂鬻技不售是亦宋
人資章甫而適越 寒餓之不恤時 袖先朝知
名士詩卷示僕斬一辭湔濯尾鬣或可增價於唐
肆嗟乎東門種瓜南山射虎塗人皆得以躡蹠豈
能為鑑堂先容哉士窮易為德斗升水亦可活涸
轍惟仁賢念之

與菊圃陳尚書劄

漢人一月不見黃叔度鄙吝滿懷某間不
至先生門下半年矣天下誰能有一言半辭以

雪玉我哉其少日酷信書謂患難夷狄皆可行道辟世
者小文夫也易居吾無才諧世吾無術茶然役役氣塊
中武夷訪九曲龍虎訪仙岩秦人之家計猶在今而後
知辟世者非小文夫也日讀道家書頗有益不敢號於
人曰吾慕安期生河上公梅子真也獨怪荀陳兩家父
兄子弟皆名賢上闕天象下係人望乃能免禍於漢魏
之際使生於今世必以得道高人蒙繫維矣不知當時
何以能自全願先生教之某幼誦元公愛蓮說至晉人
愛菊則疑何也呂不韋以菊花為季秋候其說根於周
訓又根於夏時三代聖人咸以此花為上品知味者不
止一正則也晉人特好人之所好耳及觀文公書而信

之秋梁公孤寒獨航勲德無可疑周內史三字文公不
可為賢者諱晉處士於是不可及矣晉人非愛菊也愛
花之隱逸者也濼溪斯言正為陶靖節發也忠獻若園
靖節三極易地皆然先生可謂善自為謀矣萬世宗師
非此時子見曹讀離騷突然問某曰菊英無零落露
矣可飲乎小子惑焉某得一說而解之曰木蘭不常有
得蘭露之墮者亦當飲之秋菊不常有得菊英之落者
亦當飲之愛之至敬之至此吾於是重有感焉賢者不
得見得見其象者亦可嘉之矣古之人不得見得見其
似者亦可續之矣良臣不得見得見其文行不失世守
者亦可盡力張之矣某不才先文蘭扶世衛道之志不

可浪也先生之愛我也不徒與其潔直欲與其進矣
其意不在斯乎此生得 川乎衆方何敢忘滋蘭樹蕙之
大造天行有消息易道無終窮康節不云乎苟有命世
之才民雖夷狄三變而帝道可舉何嘗曰天下不可為
海濱大老間有善養老則歸之觀其所養者必先觀其
自養先生之自養者厚矣某何敢為斯文致煩禱三山
紫翠遠在烟靄有無間冠星佩霞窓雲閣霧者盛德之
家也天上祥釐何所不備士而尊道役於紫炁老仙者
非一人儻無可使走也願後庚桑楚之後伏乞台照

壘山集卷之六

序

送史縣尹朝京序

建陽彌難治秋苗不滿九千石站戶不征輸者過半養
新軍餘五百人郵卒不與焉邑當廣南江浙諸道之要
會省官御史宣慰按察多行部鄰郡守貳多假途駟使
將宸命來往煩廩庖者無虛日令尹迎必數十里外遇
霖霖積潦瞻馬首倏至跪拜泥淖馬糞中移時不敢興
馬上人命之退則退客就館用大牲小則剖羊刺豕折
俎充庭號曰獻茶飯令拱手立堂下三跪進酒上食客
露頂跌坐必醉飽喜動顏色無不滿上馬去送必數里

外而歸令尹對妻子舉酒相賀曰吾知免矣子事父臣
事君不如是其嚴甚於卓隸之奉主人翁也為令尹者
勞矣哉中原將家子史尹宰邑三年以寬平和易為政
不求赫赫名民安之但見其可狎不見其可畏余隱者
耳不聞理亂初不知史君何如人也癸未十月政和民
不靖流毒千里平民無辜而死者幾萬人史君得龔遂
對漢宣帝遺意人以爲賊盜吾以爲赤子人方治亂絲
而棼之吾乃治亂繩而解之不殺一人而定會大赦閩
浙更生者何止百萬赦未至而寃死者亦多矣史稱活
千人者子孫有封史君之後其昌乎既受代僦廬託墓
子于此邑亦以士民依依不忍相捨也如京師謁吏部

求祿以養母朋友載酒崇肉而餞之者五十人前斯各
賦詩余謂而出山謁之一見如舊識因道前朝四十年
遺事宰相之仁副將帥之知愚軍民之苦樂兵財之多
寡士大夫人品之高下史君無問不知如響斯吞如養
叔之射葉矢必中的庖丁之解牛刀必中窾偃僕丈夫
之承蜩累丸愈多而愈不失其鎗銖聽之者心快神暢
可喜可敬可憤可泣始知東南科舉士誤天下蒼生者
百年曾不如中原將家子不習時文者可與談天下事
今人以作邑為勞宜乎史君但見其逸也余老且病矣
只欠一死回思少年遇知己如忘齋劉公敬齋謝公梅
石趙公則堂家公實堂吳公泉石青陽公皆待以國士

期以速業入仕二十一年居官僅八月宰相薦拔者十
一人皆議論不合絕意浮世事退而尚友安期生梅子
真遂為穹壤間無用之物子之負知已多矣不知諸老
先生存者幾人子遊中原過齊魯燕趙當歷歷為子問
之朱希真云早年京洛識前輩晚景江湖無故人難與
兒童談舊事夜攀庭樹數星辰子每誦此詩未始不臨
風洒淚也安得明敏卓犖之才如史君者日罄歎吾側
哉朋友謂余舊有能詩聲當以詩為贈余方讀禮言且
不成文豈能備衡童壤老之真情乎有揚驪者曰不載
酒崇肉又不賦詩者罰余乃自罰為建陽士大夫餞令
尹史君詩序

送方伯載歸三山序

景定二年司曆者曰星有天尾旅于奎填與辰從月後
會四星不相能也乃季春月朔同軌其占為文運不明
天下五十年無好文章儒者望清臺而詬曰何物瞽叟
為此妖言司曆者聞而笑曰豈特無好文章經存而道
廢儒存而道殘科舉程文將無用矣皆疾其為妖言也
後十六年而驗滑稽之雄以儒為戲者曰我大元制典
人有十等一官二吏先之者貴之也貴之者謂有益於
國也七匠八娼九儒十丐後之者賤之也賤之者謂無
益於國也嗟乎卑哉介乎娼之下丐之上者今之儒也
○哀憐之令江南路縣各置教諭二人又用輔臣議

諸道各置提舉儒學二人提舉既曰大有司設首領官
知事令史尤繁學婦有羨鈔廩有羨粟歲磨時勘月營
日察有欺弊毫髮比去之十年亦責償無赦飢雀羸鼠
饑蛇吐吞不敢啄齋學官似尊貴實卑賤祿不足以救
寒餓甚者面削如咽針如肌骨柴如曹類凋秋相呼而
謂曰我國朝治職吏法最嚴管僧食僧管警食警管匠
匠御史按察不敢問豈不曰時使之然法使之然教
必不改比而誅之則不忍也吾徒管儒不食儒將坐
而食爭椎肌剗肉於儒戶不足則括肉敵髓及鄉師
滑竊之權以儒為戲者又曰管儒者蓋聚食儒者蓋聚
豈古之所謂黜相食者歟抑亦卒黜而食人者歟儒不

勝其苦逃而入僧入道公醫匠者什九建安科舉士
餘二萬戶儒者六百儒貴歟賤歟榮歟辱歟可以發一
慨也九仙方伯載三百年儒家一才子也幼登陳忠肅
公門有遠志強記而善問落筆皆英氣薄科舉程文不
為而喜為詩其每以科舉程文教子孫見後進學文者
必勸之間語伯載曰以子之才屑為程文應儒選孰不
貴重子伯載哆頤而笑掉臂而去曰吾始以先生為知
我者也今而後知先生非知我者也馬之日千里者豈
銜勒轡策所能羈哉吾人品豈在娼之下丐之上若乎
吾豈不能為塲屋無用之文所以膠口不肯道者願為
大元一逸民超然出乎十等之外也先生果知我者

乎請從此辭其始而疑中而怪終而大敬之携其手坐之堂上而告之由辛酉至庚寅三十年文運大明今其時矣天下豈終無好文章乎古之所謂經天緯地曰文者必非場屋無用之文也子既薄場屋之文而不爲文而經天緯地必有所傳矣安得借一席地相與講明之乎予方挾龜策坐卜肆豈得已哉是亦不願爲儒者以予所不願而願子爲之有愧於忠恕之道多矣雖然天地之大無儒道亦不能自立况國乎秦之後爲漢嫚儒者莫如漢帝尊儒者亦莫如高帝子能爲董公爲子房爲四皓帝必不敢以儒之腐者堅者待子矣安知以文章名天下者不在子乎安知使儒道可尊可貴者不自

始乎戊子四月甲子序

送黃六有歸三山序

積雪融而登徂徠可以觀松烈火息而登崑岡可以觀玉道行乎貧賤患難夷狄而不失其所守者可以言君子矣窮而能固者聖人所尚老而能壯者詩人所羨漢人合而言之曰窮當益堅老當益壯古之人有行之者太公是也仕而不選於侯國夫而見棄於室人傭而擯屠而市不利以八十老翁而仰食於魚鉤不亦堅乎非龜筮文王亦不知其賢出竒策脫其主於囚人亦未敢以王佐許之闕光采韜鋒穎退然若無能者又幾年相三君定天下致太平年已百有餘矣辭三公而侯伯自

暇自逸誰敢議之逆旅無嚴衛途人罄歎亦可通夜闌
聞有云客寢甚安非就國者不俟昧爽攬衣宵行何其
壯也秦漢而下將相亦有斯人否乎晚唐士大夫若能
以憂道拯世之心易其嘆老嗟卑之心則唐之天下何
至於亂亡羨光榮求一飽雖大賢亦不能免歐陽子悲
之流弊數百年其禍不至於中國皆被髮左衽不止也
嗟乎夷而滅五帝三王自立之中國有天地以來無此
變也同人者必辨其族類之可同隨時者必隨其正則
無咎時文俗士盛年豈肯為匪人氣以窮而喪志以老
而衰顛迷沉冥形生神死信信然曰我善同人我善隨
時是不亦大可悲乎漢人堅壯之言有旨哉三山黃六

有坐太學以文章為諸公貴人重客逢世大亂貧不能
自活稍降心屈道為路教為黨長為訓導官亦可自詭
曰師儒翬翬然不屑獲二子行五百里教學以代耕暇
則歷訪先賢講習之所借書吟誦著述不休闢有好善
而遺世者雖窮途巔崖邃谷必杖屨求見遇某於途立
談如莫逆交氣愈豪志愈不屈夜相與席地擁爐談太
公大節六有拊髀雀躍若有契於心斯人也馬文淵之
徒歟萬木彫殘喬榦聳翠砧菟同燼虹氣燭天拙工族
匠睥睨於其旁不以為奇亦當以為怪况天下後世豈
無卞和公輸季余懼六有不畏窮而畏老也敢以此說
勉之子歸君子知見菊圃陳公芳山陳公及諸老先生

與吾同志者道吾言豈不曰斯人也向來狂殺今尚狂乎丙戌建子月序

交信錄序

天下有達道不曰朋友而曰朋友之交交者精神有契道德有同非外相慕也不交以朋友視君臣父子夫婦昆弟則疏矣易大傳曰定其交而後求定者見其心之可交也交亦豈易定哉公卿求士見其才不見其心能負人吾視魏侯翟廷尉悲之士求公卿見其勢不見其心能汗人吾視楊雄班固蔡邕笑之契之教人曰朋友有信孔門合交與信並言信而交交而信亦可以無悔矣同富貴相忌而有九官十臣同貧賤相踈而有仲

尼弟子同患難相怨而有東漢黨人此謂交此謂信此朋友得以列於人倫也今人錄求交曰雲萍雲萍皆無情之物義已不信交何能堅請名之曰交信錄交無上下無貴賤無死生吾盡吾信不敢求諸人百年之間萬世之後倘能無愧天地而謂之人始可見朋友之助始可言交信矣

程漢翁詩序

詩亡而春秋不可續宇宙間一大變也程君漢翁出雲栖吟藁一編示某某誦懷古四詩涕泗交頤不能禁覽盡卷乃欣喜雀躍知天下尚有英才黍離之悲無衣之匪風下泉下思盡在是矣江北多豪傑吾有望焉因

詩以見志漢翁所蘊蓄所樹立所成就豈易量哉吾於
是重有感焉藝祖景重讀書人雖超世絕俗之才不由
科舉程文奮身必不得行其志三百年後以學術誤天
下者皆科舉程文之士儒亦無辭以自解矣其後先朝
名將相遊泛論邊事自端平甲午至景定甲子儒以時
文名而捐軀報國不畏鋒鏑斧鉞能使武夫心服為國
家延數十年之命者僅得曹毅節彭文子余義夫徐有
功王景宋五人焉至有功賤死吾知國不可以為國矣
漢翁勉旃陸宣公有言興王之良佐皆季代之棄才在
季而愚當興而智漢翁豈肯終為愚者乎後日天下英
惟必有借漢翁為儒解嘲者人之喜談樂誦又當過於

五人者矣吾之起敬起愛漢翁者不特詩道而止也

重刊蘇文忠公詩序

世由道升降有道如蘇文忠公竟為世所屈始熙寧訖
靖康權燼消鑠勢浪摧壓身後難未歇也道無損世變
何患言淳熙天子尊先猷以勸臣節海內家有眉山書
矣其文如靈鳳祥麟不必聖人然後識屢以詩得禍儒
者疑焉同志以詩鳴於其言毋不敬信獨不與其詩異
哉溫涼寒暑有神氣而無形迹風人之詩也宇宙不多
見獨不聞宣王幽厲之雅乎周人之免禍者幸公之得
禍者不幸也詩固未易作識詩亦未易也帝張咸池於
洞房鳥高飛魚深潛喻敬郢曲童兒婦女拊掌雀躍矣

光嶽全氣震為大音泗古游今斯人幾見唐人誦杜子
美詩必憐其忠公之詩獨不可憐乎公大節細行如秋
月脫雲寒潭見底惜其道與程正公不同黨禍自此起
賢者不相知果不可謂之命歟抑亦可謂之命歟為川
洛學者兩怒交毀自陷其師我思聖賢以作汝民極相
勉一念偏黨人心無所歸會矣民極將誰望邪小人剝
君子夷狄盜中原二公亦不虞禍至此極也已公之道
豈易及也哉元豐甲子自黃移汝有詞別交游功名富
貴之念澹然矣却再火於秋季仲覽得其碧絹書者屢
流落衢途皆儒家收之果有守護偽訶者耶過江興境
土題名石壁屢筆墨淋漓竹上又不滅至今新篁葉葉

有墨點瓜之如煙煤蕃衍五步內移根易地則不生邦
人愛之號曰東坡墨竹後有八十年余謫居富川親見
二事嗟乎公乃天地間不可無之人其文亦天地間不
可無者詩豈衆人所能識哉書市厄於火藝文四庫百
無一遺好善者先刻東坡詩王呂而下章蔡而上以國
事與公為仇者衆矣等平亦能詩文豈不工巧今人不
借之齒牙公論果至是而定乎此謂民彝此謂天道

贈地理楊南川序

楊君南川技風水之術游富貴家老而不倦誦揚救貧
所著三龍經極熟聽者欣然想其術之精也富貴家用
其術不能去其貧揚君不色怨衝炎風濡梅雨杖筇竹

行數百里鳴於人曰吾術能使貧者富賤者貴憂患者
逸樂及遇富貴人家又不合而去何邪合不合無益損
於揚君心動而身困藝精而道窮世變使之然邪揚君
之命固當然邪嗟乎古有負越世純倫之才懷妙用入
神之技不為當時所尚徒有來世之名者多矣獨揚君
乎哉吾聞南唐范太史游浙東三年不遇露香請命于
穹旻願救貧民積善者十家至今兩浙名公知數百年
松楸鬱鬱有佳氣者皆范公所卜也揚君亦能有范公
之心乎人不知之天必知之何憂乎不遇

觀音經序

西聖人以好善為教多矣中國人無智愚賢不肖獨

敬信觀世音如天如父母何也人窮必呼天疾痛必呼
父母天與父母未必能救之也捨天與父母則無可鳴
顯者矣今人見親戚朋友落坎窞坐困羸力可以援而
不援聞其鳴號之聲若不聞者皆是也觀世音獨以尋
聲救苦自任不待人之鳴號於我尋其窮苦之聲而拯
救之仁矣哉天與父母不能盡之仁觀世音盡之矣人
之敬信觀世音如天如父母亦宜是心也豈特觀世音
有之天下有溺者由已溺之禹之所思也天下有飢者
由已飢之稷之所思也天下匹夫匹婦有不被堯舜之
澤者若已推而內諸溝中伊尹之所思也禹稷伊尹之
所思即觀世音之所尋也此道豈難能哉一念惻隱廣

而充之仁不可勝用矣龍泉龔君其狀貌奇偉視瞻有力其一見知其非庸人忽出觀世音普門品經一卷示其曰吾印此願與天下好善者共之嗟乎仁哉龔君之志乎禹稷伊尹之所思自此一念之而已矣充之無窮百萬億蒼生墮顛崖受辛苦者皆可拯救苦聲何必尋苦海皆先登笑安知子非佛地位人乎勉之敬之吾猶有望

疊山集卷之六

疊山集卷之七

里生潭石黃溥編

記

寧庵記

張仁叔墓本生母于邵武縣和平里之鶴巢原墓去故廬百步有田四十畝歲收禾三百石有蔬圃竹林悉施以養蓮社報德堂佛者命周覺先主之擇其徒一人守塚扁其廬曰寧庵合考妣二親而祠春秋薦蘋蘩寒食洒麥飯悉於田園收之守塚人執祀事如法請張氏子孫主祭其為寧親謀亦遠矣仁叔垂涕洟而告其曰子知寧庵之義乎子幼失怙恃本生母義父收張氏孤教育之使成人本生母義父捐世子無以酬恩此庵之所

以志予無涯之感也予幼誦蓼莪詩未知其情之真測
今知之矣予之生親之所以劬瘁也予為赤子飲乳於
親之懷者三年乳皆親之血也乳之盈涸由飲食之豐
約勞苦不可言予為孩提親喜曰吾有兒矣拊之則察
其肥瘠而欣憂畜之則候其飢飽而飲食予能行可以
免其提携矣長之則惟恐其氣體之不壯膏之則惟恐
其德性之不敏親行而予不隨顧之如有遺吾行而親
不隨復之如有失其出也腹我而語之曰吾行矣汝在
家毋登高而臨深也其入也腹我而語之曰吾歸矣汝
在家必無人念其飢飽寒燠也予漸長知學親心可以
少寬矣憂其壯而未有室也既有室慮其子孫不能

多也詩以妻子好合兄弟翕和而後父母之心順誠哉
言乎予為貧衣食奔走親悉留之膝下離家則戒之謹
慎久客則頽其速歸夢想其勞逸卜占其遠近倚門問
而望聽烏鵲而喜精神常役役肝膽常懸懸也自予有
生以來吾親之心無一日得寧者以予故古之人以生
為勞以老為逸以死為息吾親老而未嘗佚今其息乎
其心亦可以少寧乎詩曰欲報之德昊天罔極終吾生
無以報吾親言之則痛切思之則悶絕惟孝子仁人知
棺美而槨厚土深而木密人謂吾親可以安靈幽高矣
予恐不足恃所恃守塚有其人守塚者不足恃所恃蓮
社佛者為之主蓮社佛者不足恃所恃者有田園以養

其生田園不足恃所恃造物有以鑒予之心予之報親者誠有罪予之思親者寔可閔昊天明明豈不能使吾親魂魄少寧乎予蓋為我記之嗟乎孝矣哉仁叔思親之苦也人與天相去至遠者形也至近者心也一念之善人莫能知而天必知之一事之善人不能助而天必助之自今已往甘露自當應其誠迅雷何忍驚其魄燕或有增其土鹿不敢觸其松虎狼亦能衛其墓况於人乎况於君家之子孫乎親可寧子之心亦可寧矣揚坊千家市習俗以市道相尚以詩書名家者皆異邦人擇鄉者不居吾屢觀仁叔之家晨昏一飯餼一蔬果夫獻祖考不敢嘗田廬悉畀守塚者居茅屋聚數十學子終

日嚙嚙教句讀疲神耗氣以養生事叔父母如事親愛堂弟如愛子吾知其為孝弟惠信人也問其師友則續溪楊公玉溪黎公學問有根源豈習俗所能移矣寧親一念天寔臨之某嘗執史筆當大書其事俾後來傳孝友者有證天道有所托而明民極有所寄而立斯亦扶世傳道一助也仁叔名子惠家在蒼峰下因以自號云

東山書院記

天子

年番陽李榮庭撰書辭託張國賢

彭汝翼來告謝枋得曰薦行先生趙公及其子忠定福王嚴事朱文公文公過其廬忠定長子崇憲師之忠定從弟汝龍有東山書院雲風堂乃薦行忠定兄弟教子

孫之所題則文公筆也天下大亂汝覲之後寒飢濱於死終不以非道去貧書院遂為北胥徒所有榮庭不志見鬻常產倍價取之不敢曰吾廬設先聖燕居堂師友講習藏脩各有所規矩如國初四書院肄業則明體適用如湖學願與天下英才共之俾文公之道大明於斯世篤行忠定之家學亦不絕矣子以為何如枋得曰大哉李君之志也亦知學之有功於天地乎古之大臣能以道覺其君民者自伊尹始能以學勉其君民者自傅說始於國家若無所輕重也君不幸而有受之暴臣不幸而有文王之聖流風遺俗猶繫天人之心者百餘年八百國之精兵不能敵二子之正論武王太公凜凜無

所容急以興滅繼絕謝天下殷之後遂與周並立使三監淮夷不叛則武庚必不死殷之命必不黜殷之號位必不奪微子亦未必以宋代殷而降為上公也殷亡矣多士多方不服者三十年成王周公以忠厚之心消其不平之氣曰商王士曰有殷多士曰殷逋播臣未敢以我周臣民例而觀之矧敢視之如寇讎乎殷人何以得此於聖賢哉人紀不絕天地賴焉伊尹傳說之教隱然在人心者未泯也江沱漢廣之民一變為馭舌文王召公之道化何在後九百年一夫忠懷潔操以楚人之聲音而不失風雅之情性指天為正有殞無他楚亡矣義陵一邑思楚逃秦隱居桃源者六百年子孫猶不與世

接居南之教離騷之義吾於此見之我孔孟立教齊魯
時曰吾將以扶持三極國人未必盡信也合天下精兵
而不敢加一城之弦歌懸穹爵重祿而不能奪五百士
之死義漢高帝雄心霸氣謂一世無人聞此二事為之
駭愕為之涕泗孔孟之教與天地為無窮者固不止此
此亦可以見其小驗矣自有天地以來儒道之不立至
今日極矣李君方將求師講道為江左諸儒倡孰不迂
之然而宇宙間無此迂士天地且不立况人乎由伊傅
至孔孟窮達雖不同其道皆有功於天地子知之矣枋
得切有請焉今日師文公學孔孟者必自讀四書始意
之誠家國天下與吾心為一誠之至天地人物與吾性

為一夫人能言之手指目視常在於人所不見戒謹恐
懼常在於己所獨知天下能幾人哉不心曠神怡於人
所不堪之憂不去欲存理於視聽言動迴隱語人口舜
之事吾可以有為四代禮樂吾可以自信舜與禹不分
於鷄鳴之善利人與禽獸不分於晝夜之存亡語人曰
吾正人心即可承周孔吾知性善即可為堯舜孔孟六
經之教萬世文公四書之助孔孟所望於天下英才者
果如是乎嗟乎五帝三王自立之中國竟滅於諸儒道
學大明之時此宇宙間大變也讀四書者有愧矣雖然
達而行道者有負於孔孟學者所當戒也窮而明道者
終無負於孔孟學者所當勉也祭庭祖仰高國賢祖介

特皆以有道祠于學汝翼則薦行四世孫觀其志當有
立於天下所學必進而未止也

圓峯道院祠堂記

非其鬼而祭聖人不許祀非族歟非類神與民同歸一
愚上無祭法下無祭義難與衆人言矣許真君立功江
湖建邵壇上民營道院于圓峯山祠祭勤而誠吾不知
其故隱君魏公創祠堂一區自有道院大家小民相祠
基施財產竹木瓦石黃冠經始守靈瑣先後捨施有毫
髮勤勞於斯者必祭朔望有齋饌晨夕有香燈如亡大
夫之奉家廟魏公屬余記其事容或議之曰闕人祀許
真君非古也以其驅龍蛇逐厲鬼有大造于民精神在

天變化不可測時雨暘暉水旱民祈禱遠疾者應如響
祀之可矣此祠無乃諛歟余曰不然而獨不聞盤庚之
書乎曰胥及逸勤爾祖其從與享之為人臣而勤于王
家先王必念之不忘天子有大享必使之與享也曰古
我先后既勞乃祖乃父繼之曰我先后罔乃祖乃父為
人臣而勞於王事先王亦念之不忘在天之靈亦不恐
相舍也人有勤勞於神之宮室者神其志諸乎祭無小
大成曰報本猶有功禾稼則迎虎有功禾稼則迎此人
情忠厚之至祭有法有義法不節義可三代聖人不能
禁之矣神有功于民則祀民勤勞于神亦祀祠堂季世
之古道也豈可以諛疑之哉吾因是重有感焉 失

國人不自觉而臧文仲哀之曰臯陶庭堅不祀忽諸
吾考其時臯陶子伯益有其後羸為強諸侯趙為晉世
御終亦有國矣臯雖臧臯陶祀未殄也臧文仲悲傷惜
惻如疾痛之切體膏使及見秦滅趙楚滅羸其為臯陶
哀當何如也文武成康之宗廟而盡為禾黍東遷君相
曾不動念心搖搖而不忍去天悠悠而不我知一行役
大夫之外無人矣春秋臣子寧無對顧之心乎以老子
之學尊其師崇其教能壯其宮室又不忘先後勤勞之
人為人臣而念君父能以魏公之心為心臧孫可無哀
忝離可不作天下事何至如今日乎祠堂歲月皆不書
書其作事有古道俾忠臣孝子聞之縱無念心亦有愧

色

學天巖記

記曰予嘗遊東南州郡於山則見衡嶽之高且大亦猶
以為未見者西北耳自謂高大之勢不兩立豈意復有
峩峩然峙於天半者猶自謂備雖未獲班名志載亦足
見東南之峙勢不孤名山巨麓惟建為最幔亭紫翠乾
坤之尸鷓鴣焉自賓雲之曲不鼓曾孫無復夢虹橋矣
泛漁舟而覓桃花者誰歟閩之秦川有曠世高逸之士
姓祖諱道悟深貶綺紈之習力慕金宗之奇參老瞿雲
學法西乾遂謀歸隱蓋遊蜂之房不畜鴻鵠之卵漆蹄
之水不泄龍伯之宮必有其山可與白毫紺相光芒高

大而後以孫純有靈薰之蒼莽即天池而草創焉擎天
之始立首其名而不與於志載未可憶有其實而不迷
其實之迹為可憾也或者謂王史無徵曾記于茲歲月
寔父六丁歸之山之僧暨鄉之士周有方復勾子記予
以不敏辭之惜予身局偏方不得挹燕趙之勁氣以壯
吾文闕肆斯言寧不有覩面目於司馬子長歟今車書
一統玉帛會同向之未見者可見矣能附乎輿轍則馳
穆王之駿周遊而歷覽之未為誇恣何駕駘之才不足
以馳騁千里列鼎之味雖珍孰若採首陽之甘脆天地
蟬蛸萬物芻狗吾當出一言以警聾聵又安能以皁駘
之白而蒙世之溫蠖乎如是則身隱矣馬用文之斯文

之所以作者良有以也夫崇勝萬仞過者閱者孰不敬
服其高大一勞一日林壑不戴靈鳳高翔玉沈益化父
矣高山仰止渺然予懷覽方輿者又將何以耶哉不生
才山川俱捨諸否則移文山靈俾出良翰東蒞嶺嶠之
墟西極崦嵫之頂環區宇而圖之矣上乎擎天一柱之
可觀也壘山謝枋得議

宋辛稼軒先生墓記

稼軒字幼安名弃疾列侍清班久歷中外五十年間身
事四朝僅得老從官號名稼軒垂歿乃謂樞府曰侂胄
豈能用稼軒以立功名者乎稼軒豈肯依侂胄以求富
貴者乎自甲子至丁卯而立朝署四年官不為邊閫手

不掌兵權耳不聞邊議後之誣公以片言雙字之文致其罪孰非天乎嘉定名臣無一人議公者非腐儒則詞臣也公論不明則人極不立人極不立則天之心無所寄世道如之何材得先伯父嘗登公之門生五歲聞公之遺盛風烈而嘉焉年十六歲先人以夢軒奏請教之曰乃西漢人物也讀其書知其人欣然有執節之想乃今始與同志升公之堂瞻公之像見公之曾孫多英傑不凡固知天於忠義有報矣為信陵置手塚者慕其人也祭田掃墓而 者感其進高能得士也謂武侯祠至不可忘思其有志定中原而願不遂也有疾聲大呼于祠堂者如人鳴其不平自昏莫至三百不絕聲近

吾寢室愈悲一寺數十人驚以為神公有英雄之才忠義之心剛大之氣所學皆聖賢之事朱文公所敬愛每以股肱王室經綸天下奇之自負欲作何如人昔公遇仙以公真祠乃青兕也公以詞名天下公初卜得離卦乃南方丙丁火以鎮南也後之誣公者欺天亦甚哉二聖不歸八陵不祀中原子民不行王化大讎不復大耻不雪平生志願百無一酬公有鬼神豈能無抑鬱哉六十年來世無特立異行之士為天下丁明公論公之疾聲大呼於祠堂者其意有所托乎材得倘見君父當披肝歷膽以雪公之冤復官還職卹典易名錄後改正文傳立墓道碑皆仁厚之朝所易行者然後錄公言行于書

史昭明萬世以為忠臣義士有大節者之勸此枋得敬
公本心親國之事亦所以為天下明公論扶人極也言
至此門外聲寂然枋得之心必有契於公之心也以隻
雞斗酒酬於祠下文曰嗚呼天地間不可一日無公論
公論不明則人極不立人極不立天地之心無所寄本
朝以仁為國以義待士夫南渡後宰相無奇才遠畧以
苟且心術用架漏規模紀綱法度治兵理財無可恃所
恃扶持社稷者惟士大夫一念之忠義耳以此比來忠
義第一人生不得行其志沒無一人明其心全軀保婁
子之臣棄時抵瞞之輩乃苟富貴者天下之疑此朝
廷一大過天地間一大冤志士仁人所深悲至痛也公

精忠大義不在張忠獻岳武穆下一少年書生不忘本
朝痛二聖之不歸閔八陵之不祀哀中原子民之不行
王化結豪傑志斬虜馘挈中原還君父公之志亦大矣
耿京孔公家比者無位尤能擒張安國歸之京師有人
心天理者聞此事莫不流涕使公生於藝祖太宗時必
旬日取宰相入仕五十年在朝不過老從官在外不過
江南一連帥公沒西北忠義始絕望大難必不復大耻
必不雪國勢遠在東晉下五十年為宰相者皆不明君
臣之大義無責焉耳

疊山集卷之八

里生潭石黃溥編

墓銘

平山先生毋制機墓銘

人與天地並立為三才形氣有小大人豈小於天地哉
衆人與聖人皆可為堯舜知覺有先後衆人豈後於聖
人哉古之君子學足以見天地聖人之大全意一誠天
下國家與吾心為一誠一至天地人物與吾性為一可
言而不可行為其事而無其功非儒道也宋朝喜用儒
能談理性書者取穹官如執左券五帝三王自立之中
國乃滅於儒術盛行之時豈不大可哀乎吾讀平山先
生毋公行實未嘗不流涕太息安得斯人與之論儒道

哉公仁人也少年見蜀人死於亂離如痛入肌髓收遺體露骼藏之叢冢者以萬計流亡苦寒飢賴衣食以更生者又幾萬人帑不留錢廩不留粟悉傾倒施捨以活民命家以此屢空嗟乎一少年書生惻隱滿膏懷真能以天地萬物為一體豈非英雄人哉其耐安化也岷岷作亂單車半夜入甍懸篁竹間推赤心曉以禍福開其生路凶渠感恩羅拜至泣下民社以寧糴谷萬餘石為社倉有凶歲四境無餓民邑庠不養士始闢齋舍豐廩庖日以六籍四書講明士皆篤文行令有當為之事而不為者公皆為之士民愛戴如父母其攝令衡陽也善政與善教並行百姓得惟心而歌舞之無以異於安化

也部使者交薦堂除南康令公辭曰世與道交相喪久矣人物大凋零願作一冷官為國家育英才可乎分教黃州兼領雪堂河南兩書院事程蘇二先生道不同而其趨一公為諸生明辨既知其所以異又知其所以同教人必明體適用文武無不能精粗皆可以為湖學再行於斯世功臣貴將子孫皆願立講下江淮湖右後進生經公講畫有文名者尤多公江兩帥借隆望以精神一聞衛靈公豈能知仲尼哉際可耳公養耳後帥辟為幹辦公事又辟主管機宜文字雖不能委心受教公竭智殫慮葺補猶能護一面風寒叛膽敵心有所憚不犯副閫界時宰頗知公除禮部架閣仍營軍機任改

秩襄園急將相皆天奪其鑿陽援而陰棄公有策可以解圍可以弭兵可以使南北百萬億蒼生全性命知時宰必不用襄必陷國必亡天下必大亂憂憤成疾竟以庚午閏十月十三日終于黃州官舍餘財贖子無以終大事軍民悲憐歛殯壆祭諸費皆聞帥給之公諱廷瑞字仁叔家世河中之龍門後唐同光丙戌高祖平章毋公昭裔從孟知祥入蜀遂家焉公生於成都中進士第興元府推官諱岩老者其曾祖登科宰南溪諱諫者其祖太學上舍生諱自誠者其父生於己卯享年五十二娶劉氏生三男遇辰逢辰應辰皆以奇才實學為達官當方面者所知繇進士選舉入仕或辭祿廬墓或貳

郡或丞邑止者得伯夷柳下惠之仁仕者合伊摯呂牙之道皆豪傑士也逢辰仕建安條上四十事說達官為生靈留一髮生意人望翕然辛未正月十一日子孫奉公柩葬於興國軍大冶縣鄉曰永豐里曰白雉原曰黃龍山嗚呼公生而英偉年十二記六經已能通大義作賦早有聲春秋程文冠一郡恢廓有大志惠義而力仁為布衣已能哀憐鋒鏑遺黎死者活生者皆以萬計吾所謂古之君子學足以見天地聖人之大全意一誠而天下國家與吾心為一誠一至而天地萬物與吾性為一此之謂儒道公其庶幾乎鄉三貢始登己未進士第任止一掌故佐邊闕其沒也年方五十二諸公貴人

苟能用其材行其道豈不能轉亡為存易亂為治天與人不合世與道相違惜哉吾歷覽前史渡江後賢相如張公德遠虞公仲言趙公景溫游公景仁謝公德方皆蜀人也雖不能用太平如慶曆元祐時其心真足以合天其德真足以服人亦可以為大臣矣使公不死其才必大用用則必無愧於五君子一賢之壽夭吾道之行廢與國脉世運相關豈特其一身之不遇為可恨哉王晉公范文正平生喜種陰德子孫食其報人以為天道可必毋氏之後其大乎枋得與公仲子相識晚而相知深請予銘公墓乃銘曰

不假孔明公瑾以年人已知漢業之必傾計公平生之陰德非古之大丈夫則不能黃河之源不可窮則奔流萬里而入海松根之茯苓不可刷則柯葉千歲而長春匪春種而秋獲信雲俗而雨盈志有續而有傳必長拔巔崖辛苦之蒼生而見其清平

疊山集卷之九

里生潭石著溥編

說

秋旦說

元祐黨人之子孫能不忘其祖抗志礪行俾人知樵陽
上官氏有後如君者亦罕矣君以秋旦自號此意豈易
與今人言哉天地間一年之氣莫清於秋一日之氣莫
清於旦人與天地相似者血氣也有能反觀吾所性所
樂於此時者幸以藐然之軀與天地並立為三極可無
愧矣冬之閉者春之發晦之息者明之見學之誠者動
之神聖人合夜氣旦氣行啓我者昭昭君固不必問予
亦不必辨吾聞道家書有云太微清都不晝不夜其氣

常如六月之清。且是不是然不然。吾不敢臆決也。姑以理測之。氣之輕清者浮而為天。必有真宰主乎其中。日月運轉乎其下。光芒輝彩。豈不呈露乎。其上彼且不知雷電風雲霧雨霜雹。為何物。俯而視之。九萬里下。浮埃之濛濛。遊氣之冥冥。俗物之茫茫。人心之膠膠。曾不足獻吾一笑。斯人也。斯志也。不快不慕。豈尚秋且而已哉。嗟乎。木蘭不常有見。其墜露則飲之。秋菊不常有見。其落榮則食之。賢者不得見。而見其象。古之人不得見。而見其似。寧能無虛空楚然之聲乎。元祐黨人之子孫。有文學有才智。有行義如君者。豈易得哉。惜乎吾道久與世人相違。吾言不足為子贈也。人間之氣。莫清於秋。且

儒家所能言君之所已知也。天上之氣常如六月之清。且儒家所不言君亦未可忽也。

江仲龍字說

陶靖節心與天一。神遊天外。俯視六合。何物茫茫。始淵明而終元亮。君子憐之。菊豈願為隱逸哉。以靖節而隱顯之者。亦靖節也。建安江君自名應隆。自號曰菊隱。求字於。不。明。長。字。隆。中。時。曾以伏能待之。宜以仲龍字。大丈夫生於亂世。消息盈虧。惟天所命。窮則晉處士。達則漢丞相。吾俯仰無愧。作矣。孟子曰。易地則皆然。顏子曰。有為者亦若是。或曰。子言善矣。彼豈有此志乎。噫。不志者不志之。必有志者志之矣。

跋

鷺洲書院記跋

廬陵郡屬邑恭和有龍洲前邑宰愛其勝壘石為基創為書院大丞相文忠公周公記之或謂文忠公曰邑有學矣非贅乎文忠曰三代盛時自王畿建於六鄉六遂為學者二為庠者十二為庠者三百諸侯三鄉三遂庠序常半之家塾猶未論秦和子男邦也略考圖籍浮屠之居百區老子之宮亦十五區而額存屋廢者不與焉歐陽公著本論謂三代之民不從事田畝則從事禮樂不在其家則在庠序是以王者之政明聖人之教行雖有佛老無自而入今也昔之庠序皆轉而為寺觀何不

疑於彼而疑於此也是邦先賢所以主張學校如此白鷺之於龍洲同一章貢水也周文忠公即世四十有八年而有書院于此書院之與郡庠相望一水設謂教化有不切能不以贅得之雖然由文忠之說則吾邦雖復數書院猶以不為足也

大學解義跋

大學解義一篇臨川若儒徐公著述也朱文公平生精神志願悉在四書後進剽竊緒餘高可以取卿相下亦投合有司而掇巍科天下家藏其書人尊其道與六經論語孝經孟子並行惜乎知之者尚未致行之者尚未力四書何負人人負四書亦多矣是編初意豈欲發朱

文公言意所未盡者邪抑尊信文公之學誠求實踐自不能已於言者邪厥子以示某某覽盡卷不能贊一辭所望於徐公之子者惟於力行二字加意焉俾人知朱文公之學不徒議論要見樸實則此編亦必為世所尚矣

蕭水厓詩卷跋

詩有江西派而文清昌之傳至章泉澗泉二先生詩與道俱隆自二先生沒中原文獻無足證江西氣脉將間斷矣幸而二先生所敬者有澗谷羅公在巍巍然穹壤間之魯靈光也水厓乃澗谷所知詩家因取其詩二十六卷刊以示余逃虛空而聞楚音也觀其詩可以知其

人歲在癸未清明日龍虎山敬題卷後

疊山集卷之十

里生潭石黃溥編

啓

代宗臣正啓

恭審王春尊周人統用夏宗臣善法一新正月之觀同
姓上封獨載內陽之泰受天靈貺必世英賢恭惟某官
仁意春生道心日麗天才俊逸合吟紅藥於東風佛性
清高獨愛青蓮之明月風飄飄而遠引麟振振而誰知
詩禮夢交加意穆生之醴英雄元德留心康成之言知
學問之無窮宜德業之可大想見斯時之草木未忘故
國之山川江曲新蒲動野老行吟之志宮前嫩柳懷上
皇攀折之恩願消西北之嚴凝廣布東南之溫厚掃清

颺霧見舊日之官儀充滿乾坤賀今春之喜氣某草心
游子花淚浦臣嫋嫋秋風思公子而遠望萋萋春色恨
王孫之不歸愧無存趙之忠空有依劉之幸詩懷雲樹
清樽即日而論文夢遶烟花紫禁何時而獻頌後賀禮
簡前期心長

代賀丞相正啓

鳳紀更端復對堯天之曆龍躔回次又新夏正之初維
時元勳坐膺純嘏恭惟某官勲高王室忠簡帝心以道
德而位三公應千載明良之運理陰陽而遂萬物成億
年蕃定之功宜誕受於春祺用永扶於皇極某一違鈞
範五見歲華身在西陲阻効椒觴之祝神馳東閣輒輸

竹簡之誠

又

天序更端人正啓旦寔四方之資始慶萬物之感亨伏
惟某官道冒群倫德隆間世服華夷之重望建社稷之
茂勳坐隆師席之儀刑益重聖朝之羽翼為國碩艾四
方咸聳於具瞻享時休嘉百福同資於康壽其屬臨獻
歲 跪 觴仰企崇壙益 飲

代干丞相免追筭功賞錢糧啓

出車還役方吟洗甲之詩計簿見疑乃有積金之責此
生此日惟公惟天切以黃石談兵無賞豈能得士孔明
治國散財斯可聚人任危事者異平時圖大功者忘小

費陳平用間盡捐四萬之黃金季子合從豈止一雙之
白璧上不問其出入之數下得神其鼓舞之權故能離
敵國骨鯁之臣終於滅楚連異姓兄弟之國足以弱秦
洪惟仁厚之朝善用英雄之士群臣分鎮州郡之粟可
移百里皆兵府庫之藏不借昔我寧考若公先王當輪
臺悔用兵之餘以淮閩礪復讎之志捐期征伐誓還萬
里之封疆傳檄招徠盡致兩河之豪傑雖仗義而有感
豈吝財而可為想盛時不計分穀之微故忠臣得為社
稷之計孔明不死雖復漢以何難召虎再生此興周之
有望誰謂武皇虛耗之日頗有秦季督責之風車麟馬
蕭淮恨捐金之晚弓弭矢箛即云上簿之欺始因一二

事之可疑併與千萬人而不信為父權子寧不痛心以
君使臣亦必有禮伏念某承家忠義賦性狂愚參中原
文獻之傳頗知衣節得安定體用之學不事空談辛苦
兩科棲遲幾載流涕讀興元之詔血誠起雍丘之兵清
朝將以勸忠宣幕因而假寵非有祖狄千人之廩又無
張巡百里之權用官券能幾何得義士以萬計戍兵絕
餉間逢子桑之指困大姓假錢多藉軍師之作係方狂
虜入清江之境以孤軍守臨汝之城悍將武夫固有坐
而觀者監司太守幾欲委而去之乃以三州責之一士
賴元勳再整軋坤之力使內地不見師旅之勞豈期全
軀保妻子之臣皆譖人者不念接袍先士卒之伍將屬

子乎誇言來自貪夫貝錦成於邇列胡銓義燕似蒙騷
動之疑宗罽精兵竟以飢羸而散猶幸坤大臣之容物
有如泰君子之包荒未投光範之書已拜明綸之渥真
為知己豈但感恩其柰右司無宰相之公心有負裕陵
之訓本朝迺胥吏之天下果如同父之言忽傳拘索之
甚嚴不曰會計之已當千金而募徒木將取信於市人
二卯而棄干城豈可聞於鄰國况子文之家已毀顏氏
之瓢屢空慈母忍貧久闕南陔之養室人徧責何止北
門之憂可憐平地之無銅安得上天之雨玉強為師說
誰資弟子以萬鍾亦有誥身不直將軍之醉興言及
此撫已知危主爾忘身公爾忘私願盡為臣之義寒不

得衣飢不得食亦為賢相之羞茲蓋伏遇某官忠孝通
乎神明度量包乎宇宙平生學問惟韓范可以齊駁不
世功名雖伊周未能遠過不以春秋而繩臣下每用皇
極以受人才使轅軒之帑屢空無辭于罰若師魯之錢
公使當辨其寃萬形有弊而惟理難磨一心合大則何
事不濟矧小入之有妨尤君子之用情誰能隘指大之
窮賜之十萬不敢受北軍之賞還以五千特在出爾反
爾之間即為生我育我之造元金具在悔不如莊子之
璞玉猶存或可效卞和之獻

代干執政薦舉啓

聞黃扉而熙萬類雖後陶甄揆華藻而被群才敢希題

其輪悃欵登徽崇嚴切以國家端出治之源宰輔受
舉之責入則垂紳正笏日謁帝以進賢出則濡牘判
章嚴限員而薦士維中外之同體共推揚之一心凡借
齒牙立生羽翼曾謂駑駘之賤妄經臯樂之前如某者
才庸命竒地寒族替弓冶淪箕裘之緒鼎儀隆閱之
時蹙躓窮途侵尋半世原念登門之始垂蒙下榻之知
將際秉鈞哀深陟岵適在幽隱之地莫逢造化之功墻
道疏自絕阿衡之鼎海隅斷梗空瞻傳說之舟既請
字民庶諧丹母逮甫戊期之及會新遴選之嚴掃軌里
屋已更六載易階京秩高闕四章在行道已猶矜矧趨
風之有薦恭惟某官奕邦碩輔命世真儒嗣洪烈於臯

代干上司公底啓

夔統正傳於洙泗建牙藩翰暫均剖竹之勞推轂英豪
罔替拔茅之志倘矜鎖陋當辱記憐賜之顧盼之隆假
以扶搖之便某謹當鏤膺載德銘已知恩是日崇墉獲
廟登龍之列異時大治願為附鳳之階

長榜書名誤玷掌筮之選遠方隨牒第深懷祿之情豈
不堪拜揖於上官將以受約束於下執切以難莫難乎
使之為宰能不能者皆自其人野王之請試長安薛恭
而僅理宋邑盤根然後別其器朝歌有意於除莠羨稻
不可為之藿素甫惟求於治劇雖事之繁簡或異亦材
之大小不同某誤着青袍濫紆墨綬不能操刀使之製

錦未嘗登車何以獲禽僅若落山陽以尹鼂綠鳥可治
都昌而化豺虎第綢繆以結果徒奔走於抗塵河陽號
一縣花潘安仁豈於微官而敢陋彭澤為五斗米陶淵
明或以小兒而見羞矧廢置之際未免鄰城之嗤而退
進之間或遭官長之罵誰為之地頭出其門茲蓋伏遇
某官氣養之浩然道識其大者振鴛鴦之翼而騫翔路
要垂虹電之光以熠燿清朝我馬之維駒維騏維駱維
駟暫屈咨詢之問甘棠之勿剪勿伐勿敗勿拜將形聽
斷之恩賜環行補於公卿推轂未忘於官屬某敢不班
揚明令敬服常箴惟學道切慕於弦歌而奉法頗寬其
轡策獻梅花之賦敢期直指之稱誦木瓜之詩當盡厚

報之意其為欣抃曷既敷陳

代千丞相遷除啓

丹衷激切夙懷知過之憂黃閣深嚴莫遂趨承之便彌
極邇風之慕敢稽脩敬之勤恭惟某官星斗垂文乾坤
廓量負五百年名世之傑展九萬里南溟之程經綸四
海而無所不長酬酢萬變而未嘗或屈大節凜凜而可
畏宏猷綽綽而有餘懷堯舜之道以致君耻威文之事
而在己朝廷由之為輕重天下係之為安危自登槐席
之尊益注楓宸之眷謀王體而斷國論熙帝載而代天
工坐隆兵寢刑措之勳益致俗阜民安之效群才登用
庶政脩明一陶晏粲之期永輔盈成之業明良際遇載

賡虞氏之歌聖賢相逢願繼王褒之頌切念某材猶樗
櫟景迫桑榆一官奔走於塵勞七任沈迷於簿領退有
帝號之迫進無左右之容栖嘆已之未逢落落與世
而難合高山流水覺乏知音白雪陽春終乖寡和幸遇
太鈞之播物况開東閣以招賢既久託於悒懽當不忘
於操履心同涸轍願歸滄海之坡迹類寒荻覲沐陽春
之澤

代干杜按察追索書板啓

布衣命薄忘繡梓之群書絲轡威行還青瓊之舊物誰
詰季孫之賞盜親逢魯國之真儒吾有二天公如十日
切以萬形有弊長存道義之名千古在前難泯詩書之

澤微若畫星之議論上闕天運之文明秦火無遺不焚
御府之六籍蜀寇已慘尚留石室之九經未聞孔孟之
徒不勝跼蹐之焰造化必能為之主神明亦自有其人
伏念某才愧雕龍學幾刻鵠諸老文章之印頗有傳成
三代金石之碑亦嘗編集柰五窮之難送慨萬卷之空
蟠恐尋活計於鋒刀寧問生涯於梓匠簡無編竹似有
盡於國人書既同文碩廣傳之天下豈期狗鼠尤其豺
豕於橫劫可憂凡為攘竊之民恃有逋逃之主仲塗印
昌黎之集自知不免於貧唐僧失蘭亭之文恐桓無涯
之戚不逢夫造何有餘生南山之判一傳符澤之姦大

窘漢除庶吏盜牛即日而來歸魯有素王竊玉踰時而
書得兩載懷古弓之恨一朝喜去珠之還緬思西蜀之
先賢起敬捨遺之有道物皆吐氣恨無數十筆之使君
士盡歡顏願見千萬間之廣厦當日未酬於素志老天
必啓其後人此蓋伏遇某官草堂嫡孫闕里先覺襟懷
洒落光風霽月之無邊志慮清明秋水長天之相映自
攬轡登車之後有遡川獨航之心正觀豈無謀謨孰若
如晦之善斷慶曆固多按察獨稱杜杞之長才不惟山
岳之動搖自覺乾坤之軒豁蠻夷不變吳當受罰於春
秋文獻足徵宋或可言於殷禮凡一予一奪之際皆衆
好壞應之公治豈可岳之無窮儒家各傳之不朽幸斯
文之未喪知我其天喜吾道之將行以公為命感激辭
短飯依心長

謝宋亦山惠米啓

右某啓伏蒙台慈餽白米十碩者言念瓊糜精潔豈無
騷客之糗玉粒馨香乃拜仁人之賜五升不糴一飯知
恩切以士必無求始能全於素節人言好施豈盡出於
誠心餽之儻或無辭受者不知何義萬鍾雖富馬能浼
於孟軻九百固多不可辭於孔子故箪食惡其非道而
壺飧可以得賢伏念某旅不齋糧師非學稼菊冷蘭糗
半生耻飫於肥甘予浙劔炊十載備嘗於危苦亦羨粟
有餘之農父甘為飯不足之廣文少慕沂公何敢謀於

溫飽晚同無已頗能忍於飢窮豈無貧監河之書終不
爲魯公之帖誰謂心腸之鉄石尚憐氣味之金蘭青精
欲轉其好容白粲忽驚於愁眼儘堪負米動慈母之歡
顏不畏絕糧見門人之愠色五斗無折腰之愧三鍾可
攘臂而遊雖免炊沙終慙不穡吾能報德敢忘重施之
秦輸人或有言何獨不辭於宋餽共惟某官膏梁味義
菽粟飽仁士待公秬何止閔憂於苗長民思我粒必能
燮理而黍豐爰命廩人無飢客子某敢不風歌授粢雅
詠裹糧豪傑襟期已見指困之義功名志願尚能倒廩
而言辭雖有窮意則難盡

謝人惠紙衾啓

平生真實不爲布被之欺雅志孤高亦有紙衾之惠寢
興知感寤寐難忘切以荃壁藥房薄塵寰之帷帳蓉裳
蘭佩奕濁世之綺羅觀騷人之清脩乃志士之法則獨
無奇服如此寢衣脫木質之氛埃真成玉指敷竹床而
瑩潔無異瑤臺近而南浦之名儒遠則西州之耆俊儉
於奉己銘以示人某最厭黃紬之矜夸未見青綾之華
煖雄心英氣尚有侵獸皮之言義膽忠肝不啻泣牛衣
之語得此琪圃瓊林之物稱其玉壺冰壑之懷何須柳
絮以鋪氈恐有梅花之入夢精神愈爽思慮無邪物外
獨清疑是卧袁安之雪室中生白宛然宿杜老之雲共
惟某人睡不拋書寢猶思學喜留詩客醒常攜枕簟而

遊靜聽鐘聲卧不覺衣裳之冷某共承珍貺願廣德心
因銑衾而歌千間儻遂庇寒之志得布裘而長萬丈必
無不煖之民

謝惠醋啓

道心苦淡自知吸醞之難德意醇醲乃有作酸之惠香
浮頰舌感在衷肝切以設醴雖微庸兄尊賢之意饋漿
亦未可觀敬老之誠物有薄而用宏禮若輕而義重我
聞獨與官有醢人掌五齊之調和合七道而醞釀上則
登于王所共者有嚴下而賜及賓筵禮之亦厚使膳羞
而無此恐滋味之缺然豈必有梅前聖之望良弼算能
吸醋後賢以取相才自非其物之可珍何有斯人之善

喻伏念某言無可心事不皺眉靜觀世味之唵嗎堪憐
聚納獨愛道真之嚅齊又笑醢鷄渴飢不足以害心飲
饌何未於養體猶未安於微分爰有請於浚交遂煩小
奚專致巨甕乃烹雨羞頓添春菜之光華以饋及岸不
獸朝藿之索漠鄰何待乞客亦可供盡忘東野之酸或
止相如之渴共惟某官嘯懷縕籍落筆森嚴行獨剛方
不效微生高之直量無容忍真有范魯公之能遂令寒
寔之庖頗知曲直之味某嚙津佩德流馨懷仁願子和
美當雨露之重任為吾發覆覩天地之大全既以心藏
不煩言謝

共奮潔身汗世寄靈黃冠滿目氛埃儒術不勝其拘賤
遊神清靜道家尚可以逍遙隱然千古之逸民或是四
明之狂客切以安期志大豈願學於神仙在乎才高何
空談於道德聊以避齊梁之俗不忍聞蓬萊之爭因思
前哲微言亦羨後天不老秋夜發幽人之靈欲鍊形魂
凱風取王子之詞必再神氣果知此意寧有幾人共惟
某官光風洒落之襟懷白日清明之志操海溪而下考
亭而上徧參諸老之書西山之碑文軒之忠自得一家
之學未展平治備齊之蘊肯為清虛怪誕之遊靜觀世
變之推遷恐見人生之辛苦皇帝王伯之道一降如今
衣冠禮樂之區大變至此惟聖賢乃能避世惟明哲可

以保身不嫌茅宇之淒涼轉為道觀何必玉隆之嚴邃
乃寄仙家上界喜聞蔡真人之詞新宮不讓山元卿之
筆廬山泉石再期脩靜之留華岳烟霞幸有希夷之隱
而恐聞十行之丹詔終將擁一朶之紅雲其欲訪松花
共尋瑤草青牛何柱常占紫炁於函關白鶴高懸或聽
玉笙於碧落

壘山集卷之十一

啓狀

聘啓

典型猶在愧文定之嫡孫聲氣相從慕安昌之愛女春
生葭樹風育桃梅恭惟親家某人令愛小娘幼未及笄
已著德音之美某次學生童而佩鞞粗知學問之方龜
筮告猶鸞鳳得偶子當嚴於擇婦我祖名言友必謹於
事人君家美意

聘定啓

親不失其親可隆親誼幼及人之幼得講幼婚幸出自
天恩歸有地髮方覆額已勤采藻之儀角正垂髻猶事

美梅之劇幸兩小絕猜嫌之念故一言契姻好之盟鴈
幣肅將庸固早年之堅約鳳飛協卜庶諧晚歲之和鳴

又

仰少府之名門曾諧舊眷襲文昌之末裔復訂新盟况
草木之味本同故柯斧之言易合五齡六歲幼而幼
而婚寸帛尺書宜爾家宜爾室豈特効恭於子壻蓋將
有望於父師如切磋如琢磨亦有仁義而已矣胥教誨
胥保惠母曰筐篚云乎哉

又

百世婚姻况早得魚嬉之隊一言成事盖亦由鳳吉之
占對偶信是有緣蹇脩易於為力誰謂司農之姪締好

劉墻敢圖法從之孫獲妻馮氏既新盟之議定宜巧樣
之催妝尺楮寸縑茲遺行人之間信綠衫紅袖要看舞
膝之娛前

又

門闌多喜同為耕鑿之民聲氣相求宜講姻媿之好蘇
言允契天幸何多令女鬢未成雲已媿容儀之謹某男
髮方總角幸寬楹祿之憂豈曰小哉姻不嫌於及早會
言近止喜即遂於于歸

回定啓

自蜀郡來五世託名門之好必齊姜娶一書寫非偶之
慙是誠因親而締親所藉以幼而及幼既無嫌於兩小

暫時為摘花騎竹之娛宜偕老於百年指日奉執御傳
巾之事辱冰語致將忱之奠鴈欲歲寒成聚戲之隊魚
可不如期以堅永好舅姑即父母幸每推錫類之仁童
稚不婚姻何敢諉先儒之說

又

觀書月下喜聞得婦於幼年折花門前幸獲問郎於同
里况黃龔並高於地望宜朱陳亦締於世姻令男已學
吟龍茂著奇童之譽小女喜占鳴鳳愧無少女之詞雖
嫁娶以長大為期然男女之婚姻貴早苟不棄長干鄰
友之陋願早諧盧郎年少之期好喜速報鳳樓人此正
佳壻青春早作蟾宮客當繼前脩

又

樂天示勸深虞生育之遲延壽訪婚欲見曾女之早蓋
一生之計惟在於少而萬世之嗣莫重於婚若兩小了
無猜嫌宜二妙合於羈角况今孫清徹已聞駒齒之生
而姪女無知方在鳩車之歲苟不遺於封豕喜獲締於
葭草雖云鵬鷁之不齊自是馬牛之相應資財不論何
未忘夷虜之懷他日有行正有賴舅姑之教

又

謝安之姪生而敏頗閎叔父之情庾公之女幼而孤喜
道如盟之好惟因親致親相契之久故以幼及幼得有
所歸雖童心稚識之無知何勞遠慮然男室女家之早

定式慰先懷

又

兩小無嫌久誦弄梅之句一言有契遽承采菲之盟俱
勿失赤子之心可卜見玄孫之慶弄璋載育已呈擊甕
之奇抃線素能久覓穿針之巧詎意孩提之戲克成夫
婦之緣茲辱魚緘復勤鴈幣報君青玉案既已深張生
何以之羞遺子黃金籠願翼守常氏不如之訓

七月請期啓

男女之生幸而得耦婚姻之道貴在及時禮有請期義
當修贄祖宗繼體重嚴親迎之辰父母有心尤重于歸
之日肅將嘉幣庸試新妝四鳳鸞佇聽於祥占烏鵲歡迎

於巧夕手舞至切心聲塞六輝

回啓

月燭雲駢行矣赴銀河之約吳越蜀錦此其為蓬華之
光然愧無百兩之儀寧不泰三周之禮折蟾宮之桂母
富貴之相忘採南澗之蘋惟維共之有怪

八月請期啓

始卜佳期幸爾秋期之叶再占吉月依然夜月之圓諒
由淑女之促裝足與素娥而為侶逐相配合可想和鳴
爛即覩於盈門敬可無於納幣貧者為禮非財貨愧乏
多儀之子于歸宜室宜家豈勝至願

回啓

紅箋寵賜厚厚意之鼎來丹桂香傳喜佳期之漸近既有言聽一約當嚴往送之辭琴瑟和鳴行應曩時之占鳳門闈多喜尚期他日之乘龍

九月請期啓

古者制禮婚姻非受幣不交今也從宜男女以及時為貴況在黃華之候輒備紅葉之緣占其吉於卜人已云允叶聽其成於媒氏莫必能從

回啓

灑灑湛露滋開黃菊之數枝拂拂好風吹送彩雲之五朵因悟親朋之邇且承迎禮之隆御輪再舉於三周行李愧無於百兩祇崇姐好莫畧煩文宜其室宜其家自

今始矣俾爾昌俾爾熾勿替引之

十月請期啓

愧非韓樂幸因千里之相依夙定文祥必講渭梁之親迎言既遂矣始其吉兮預陳鳴鴈之期屬屆獻羔之候言秣車言秣馬行詠于歸以采藻以采蘋庶無失職

回啓

好記橙黃正十月為良之景喜傳梅信占三星在戶之期既叶佳辰敢違嚴命女有行而餞于禰已教其謹蘋藻之供毋命嫁而送之門當與之贊棗栗以見

十一月請期啓

納成送人出贊

曩諧占鳳已欽季諾之承今漸登龍欲效秦貧之贊况一

陽未復之際正兩家合好之時輒修鴈奠之儀并致鸞
裝之禮菲然為敬因慙無百兩之將行矣并堂誓益殫
半子之職

回啓

早憑月斧修成月鑑之圓今泛星槎來促星橋之駕
廣戾止圭幣輝如自顧菲然何以當此既重疊於委
託詎敢後於拜嘉禮重御輪適十月為良之候式嚴
施祗屬一陽未復之時

十二月請期啓

天地之義既諧卜吉之從婚姻以時敢後親期之請預
憑媒介以布腹心月取季冬日涓癸卯書先伸於一紙

好永結於千秋

回啓

穀旦于差已叶蔡龜之卜瓊英是尚行觀堂者之容弟
虞裝索之空不作盈門之爛我則水薄公其歲寒探隴
首之玉梅已傳春信聽城頭之畫角行促曉妝

回啓 未允

龜卜叶從曩荷冰入之請魚牋下逮遽言星戶之期然
雖貴於及時柰偶迫於多事桃夭方春之候此固良辰
蘋米行潦之中尚容後歲永為好也姑少遲之陂量有
容智燭是幸

鳳山集卷之十二

里生潘下石黃海編

劄

通五府尹劄

某伏以仲冬謹時晴曦流愛共惟某官養隆九陛望重
一麾后皇贊襄台候動止多福某謹沐神雪慮獨拔毫
戩申敬于千騎行軒之次仰祈

某切謂天欲惠顧于橫浦為千里宅生之寄以有豈弟
君子出而父母斯民矧惟二天照臨之萬口歌頌為
至和諸福鼎來不禱而叶某安敢贅請

某伏審某官光膺鳳檢書撫奠城威命甫敘輿情交抃
共惟慶愜某承之附庸幸棲身道德覆照之下日在

南楚與扶筇之老騎竹之童北望朱幡爭先快覩卷卷
贊喜踴躍萬分

某共惟某官前輩盛心斯文元氣忠孝名門之衣鉢才
猷清廟之璠璣風度照人芒寒色正書澤物玉韞山
眸乃知衣冠甚盛之家必有社稷非常之器天才無施
不可春脚所至有聲警勞一駕於鯨轡來活父枯之網
轍志未止甘泉之計及已興宣室之恩天若有意斯民
何止賜金而增秩公必從茲大用即看鳴玉以趨朝凡
在幘幪允深傾僕亦敢因慶幅而私布之仰祈台照

某去冬謁告言旋天闈竒機共遇某官分月臨川道路
之人更相告曰是聞天文字相才也子盡往致敬焉某

於此時所期先生者又有出於他人所期之外也然自
跪違秦階倏又暮歲引睇霄躔無食息敢移尊嚮忽得
好音適屬福星委炤之下感念之餘始歎人之幸會喜
甚折屐遭際有如是耶惟是不習絲譜五枝已窮善後
之謀罔知微濟所幸仁賢二千石惠然肯來以下慰三
邑顛僕之切某首當引睇牙旂躬負弩矢俯伏道左以
修屬吏之恭則蘇天之芘又有出於意外之望某不勝
拳拳

某策名贄敬之初無以見其歸依之萬一斐然儼語亦
于申蕃蕪類不工醜愧萬狀倘蒙一覽而擲之榮佩千
億

某仰惟隨軒蓬閣仙輯邀在霄漢某不敢凌節百拜申
敬惟下邑先庚教條拱俟頒曉

通黃府判劄

某伏以權輿率春錦綉萬象共惟某官屏星照乘和氣
載塗穹崖迪簡台候動止千福某雪手露香誓枕籤府
仰干丙在

某切惟宣化承流守相之尊等耳地方千里位並元侯
以十萬戶之歡聲為八千春之善頌則夫金鼎翠釜有
請則諛

某嘗聞玉華之秀甲於閩東名閣倚天實鐘間氣慶雲
呈瑞孰不願快觀乎先風北枝南無借望履詎圖

行戴二天此造化者巧為之遇合也遙瞻文蓋此心如
飛

某共審奉詔監州抗旌戒道乘共一輪之明月先回四
境之陽春伏深慶愜某幸正趨承信增欣抃謹綴猶小
啓一書端控燕雀之悃仍蒙弘慶賜以繁觀其下情慰
愜

某仰以某官性資氷潔德量天寬惟極養榮而燭理明
宜設施弘而臨事果夔城製錦載賡杜工部之詩越因
依紅細攷王右軍之帖荐分半刺殊加恩意別乘驥足
之馳詎容席暖屬車貂尾之從亟待詔溫

某庠序諸生不習為吏割繁治劇用重其才水毀木飢

二軍艱字雖撫字之心如日而焦燕之髮已霜末路尤
艱險灘未涉尚祈矜念曲賜庇存祇佩恩私山丘莫喻
矣

其不敢凌躡申寶閣仙輶之起居伏恐屬邑應有先庚
條目拱送行下

回主簿交代劄

某伏以月開周正雲慶魚書共惟某官司印泥城趣裝
穀旦后皇右綏台候動止千福某雪手露香春記藏史
仰干丙在

某聞之二氣五行之運在天為寒暑在人為語默動息
調元贊化儒者事也况一理身之陰陽事雖然存我

厚蒼生願為國家寶此不資之軀乃副輿望

某佩服春深秋蘭之馨久矣箕南斗北無由快星鳳之
瞻不謂天假機緣得托雲仍之好平生願識荊州却無
負此言笑中夜攬衣擊節自慶

某伏審 聘綸誥來領印曹先聲一馳和氣四洽諒惟
歡慶切惟某官以南岩世家為西江名士義冠司業堂
則何蒼之德行舉幡帝闕下則王咸之氣節朝奏暮召
可謂希世之遇矣尚屈鸞鳳於枳棲何耶然張集賢起
於魯山鄭相國興於汜水萬里脩途胥此焉出奉紱泥
而班玉筍不夙則暮

某鈇繫晚生世居昭武烏洲學優而仕代不乏人在嘉

定間則伯氏果齋對策大廷擢居鼎甲獨某不克元宗
少也三預賢書迨其強仕某年猶未脫場屋俛試南廊
疏居次等遂得令闕趨來梅川甫書下考乃蒙大鑒章
先生檄入郡幕繼蒙綉使李先生俾攝信豐俱以一削
收錄于是羈留幕底者兩年回視薄職不無曠瘼然此
心惓惓無日不在朱墨間屈指歲除僥倖書滿幾生修
結得際交承洗龜拂篆以為告新之圖某之志也掩瑕
匿過以為淑後之計則執事也引領車音拜手以白
某及瓜而代有日矣修尺牘以通是好禮也乃為執事
所先懈怠之咎無以自文謹列件劄將以儼語申控卑
宗并酬榮施倘垂電光榮佩千億

某皇恐晉躡申問契家翠水瑤池台眷伏想烟霞萃社
日月常春新治趨條敢不肅拜

詞

薦父青詞代工業持女

父今捐弃永無侍奉之期女既有家難報劬勞之德潔
齋丹悃彌籲蒼旻伏念妾先考學慕醇儒老為寒士愛
人利物雖莫展其素懷謹行信言不敢欺於洪造豈期
一疾即反九泉妾生無養志之能沒缺送終之禮受恩
罔極茹痛何窮仁君猶悲憐緹縈之詞河伯亦閔念曹
娥之苦父子之情至切天人之應惟誠皈命羽衣投誠
金闕伏願矜哀愚悃超度先魂覺本性之虛明赦凡情

之罪悔宿愆盡洗無久滯於冥途片善可書或再生於樂國

吾友張四居士為僧敢獻善頌

天台羅漢形模也學丹霞刻草少年人振宗風好箇五山長老

疊山集卷之十二

疊山集卷之十三

里生潭石黃溥編

表

賀玄天上帝生辰表三月三日

臣某言伏為今月初三日恭遇上聖降誕休辰者帝降人寰必真元之會合民懷天德逢初度以懽愉宇宙昌期華夷同慶臣誠懽誠亦頓首頓首切以虹流瑞彩天開秋昊之神龍巽祥波佛現世尊之聖受太極兩儀之正鍾三光五嶽之全萬生高真孰若華旦恭惟玉虛師相玄天上帝北辰合德春日同仁贊化玉清道生天而生妙調元金闕功禪帝以難名契真宰於東皇對長生之南極乾坤比壽永覆載於萬靈日月齊光常照臨於

六合臣欣逢瑞節難報鴻恩有始有初歲歲今辰之歌
舞無窮無極人人洪造之生成臣無任瞻天望聖懽抃
慶快之至謹奏表百拜稱賀以聞臣誠懼誠抃頓首頓
首謹言

又

臣聞天生大聖實輔相於元工民受洪恩宜懷思其初
度對玉虛而稱慶睇金闕以敷忱臣中誦切以白帝之
司三秋史紀虹流之旦素王之存諸夏轉言麟紱之辰
能奉若於皇穹密網維於人極緬想發祥之始誰無尊
道之誠伏念臣一善葦聞百殃寧免逢南方之喪亂何
地逃生賴北極之明靈助天濟世開日月騎箕之

衆星拱斗之儀有始有初豈不知於帝力無窮無極期
永庇於人寰伏願洪造垂仁高真錫福回乾坤之和氣
掃颶霧之妖氛念昔降神救萬民之微命自今悔過開
億載之太平臣無任瞻天仰聖激切屏營之至

許旌陽飛昇日賀表

仙降塵寰体天心而濟世帝嘉神績乘秋氣以昇霄華
貺歡聲古今盛事臣中賀臣聞赤虬紫霧聞仙子之遠
遊黃鶴白雲想至人之高舉孰若一門之積德盡超八
極以登天恭惟真君道極高明誠參化育驅龍蛇於境
內既成神禹之功挈雞犬於雲中不假淮南之鼎慕真
風而雖遠遇華旦而難忘臣欲報恩仁敬修賀禮苾苾

頽繁之蔦依依葵藿之誠日月齊光長戴神明之德
乾坤有造願為仁壽之民臣無任激切屏營之至

卷之十四

四登山集卷之十四

里生潭石黃溥編

疏

梅野起居疏

世無對孰頌焚室之材里有少陵宜助草堂之費錢財
易得 我難窮梅野先生詩書已廢於秦灰棟宇何堪
於鄭火參充已為貧士忍聞稱賀之言池魚本是善人
孰動救災之念今見眼前之突兀頓恢身外之悒悒若
不寄資豈敢嗔於錄事倘能買宅是亦遇於韓公見義
必為當仁不讓千萬間大庇寒士須還天下英雄三十
年始有此廬莫作詩人笑話

城隍疏 五月二十八日

日餘二日即更建午之書雲聚五雲喜遇生申之旦
聲載路和氣滿城共惟城隍土主全封號乃武乃文作
威作福呼吸須臾之雨露叱咤頃刻之雷霆佐漢有功
四百載綿延社稷配天無極億萬年帶礪山河赫赫厥
靈洋洋如在其等素喜蒙恩之久幸逢震夙之初壽永
基圖頤借椿齡而為壽封褒忠惠更看芝檢之增封

鳳林新建蓮堂疏

地勝鳳林接東林而長久天怜象教托儒教以扶持既
善念之有孚宜道場之壯觀胡先生愛青山之好與無
用者不同謝虛運種白蓮之勤想專心而不雜已捨鍾
山之宅上續遠公之燈或疑香火之光明豈可觀葉之

狹小所謂鼎新日月方知特地乾坤大願力大功緣必
是大雄猛漢好布施好福德須還好修行人一佛辨心
諸天助力維摩八萬四千座半日化成雪峰三百八十
庄一家喜捨不可蹉過直下承當陶淵明十八大賢且
作廬山之隱者王文正百餘名士尚歌淨社之太平

景祐真君生辰疏

雄鵬大將張時

南岳降神為生民而立命普天蒙福逢初度以懷恩合
衆志之精純對九霄而籲告緬思唐世爰有忠臣助兩
賢以守一城提孤軍而勝百萬宗社資其翼戴江淮得
以安全幽為神明為人節義無慙於天地生當封死當
廟英靈永鎮於華夷粵若是邦同歸大造茲遇乘東維

之曰誰無拱北極之心葵藿秉誠蘋蘩昭敬設金山之
淨供演寶藏之秘文四生六道之超昇三界萬靈之來
降悉聽教庸蒼神休有始有初豈不知於帝力無窮無
極願永庇於人寰伏願上聖垂仁明神賜鑒百穀告成
於秋日四民常在於春風念昔生賢救兩閩之厄運自
今悔禍開億載之太平

福善王生辰疏八月初四

天將救世降崧岳之神明民欲酬恩依金山之佛法潔
嚴恭之一念靈恫欵於三靈其等猥以下愚竊聞上世
良弼騎箕尾而降為萬古之星辰文公應斗牛而生救
一邦之水旱皆帝心之妙簡與民命以相司共惟福善

尊主正直而英靈慈仁而睿哲握中夏文明之運存西
方賢聖之風為國選才士必功名道義代天與善民皆
富壽康寧萬年保佑於此邦兆姓歡呼於誕節太極兩
儀之正融作異人三光五嶽之全鍾為一佛宜修慶禮
庸表微忱牲牢不見於茲芬酒醴難昭其誠敬欲報軋
坤厚德無如水陸大齋三界萬靈對休辰而懽喜四生
六道依大造以超昇雖無補於神功示不忘於聖力恭
望明靈降鑒穹厚垂仁好生仰休於天心錫福同歸於
皇極金風玉露已開豐年之祥璧月珠星早見太平之
象穰穰陰消於狗鼠貪殘永絕於豺狼民安禮義之彝
士復詩書之澤鄉閭和樂固無日而不春廟貌尊嚴尚

與天而齊壽

孔道衣疏

其人熟朝真之科教習事帝之容儀入我觀門共成道法豪家大族長者善人必有仁心共成好事

黃絹銀章頒皇恩而訓戒朱衣玉珮在帝所以周旋倘二者之得兼亦一生之奇遇賀知章結草宇必承君命以修真陸簡寂得石壇難以朝衣而拜斗有誰施捨成我因緣豈無地位九分人或遇神仙一會客天台山之採藥便逢福地以逍遙玄都觀之栽桃不負息門之培植

暨公聖者生辰疏

天生賢聖欲普濟於微氓民戴恩仁何恐忘其初度潔齊致慮籲告明靈伏念某等性本顛蒙命尤迭蹇回心向道願為良善之人從俗隨時寧免悔尤之事金危身於離亂歎生理之艱難日虞虐史之誅求時有過軍之煩擾十室而九無温飽五年而屢告飢荒賴通覺大師之靈有覆載小民之德雨暘從欲疾疫無憂凡蒼生之感神功如赤子之依慈母思帝力者必虹流之旦懷素王者必麟紘之晨欲薦愚忱敢遵釋教演金山之妙法敷寶藏之微言福及幽冥心通上下伏願帝垂憐憫神降吉祥一佛重來必潛消於厄運萬方有幸願早見於太平

重建觀音寺疏

尋聲救苦是名觀音與佛有緣樂我淨境野火燒虛空
而不盡法燈歷今古以長明歲星已周天道必履宰官
長者寧忘補陀現身大臣檀那還記靈山舊話諸天助
力不日成功紫竹林中散光風於三界綠楊枝上洒甘
露於八荒使衆生識大慈悲此善果勝諸福德寶珠瓔
珞豈無普門品之仁賢樓閣玲瓏盡見華嚴經之富貴
虎溪蓮社道堂脩諸天閣疏

蓮社虎溪是法雲地善談慧地華嚴龍海化叨利天兜
率天此非一蜃氣吹嘘所得成湏五鳳手經營之乃可
鉤心閉角共看抱地之纒迴佩玉鳴鑿不是飛雲之歌

舜俯視千大千世界上有二十二天人世出世間漢表
漢現希有希有西方天竺國飛來真如真如昨日妙高
臺夢見吾為法施汝辨肯心

洪山廟照華嚴第十五會

善入長者共成華嚴會今幾年矣佛果已成愈修愈
好善根已大更種更深丙戌年第十五會供食科儀
隨人喜捨此為好事願發肯心

華嚴經一十五會歲歲相逢維摩座八萬四千人要
飽佛果不難成熟善根更好栽培天下功緣供養之功
東大人間福德有施之福無窮慕聖僧而水府設齋聞
合論而神宵送食觀音瓔珞效恭敬於世尊天女寶花

獻殷勤於長者此是菩提地位須還廣大心肯願傾帑
庫之餘財共贊鄉閭之好事曾記兒童戲供也能生阿
育王家請看川老談經直要到毗盧頂上

東山白蓮堂修造疏

彌陀經多有西方公據祝聖人壽又見東林道場天
燈已放光明鬼火豈能魔障要識白蓮淨土世世無窮
請看紅日出山朝朝如是前此規模窄狹今當棟宇修
崇五十三簷華嚴樓閣有幾多富貴八萬四千寶座殿
堂非一處安排居士辦心諸天着力豈無長者捐火宅
之金銀恐有名賢捨鍾馗屋宇且頌餘財餘粟便歌美
奩美輪一日圓成八方讚嘆七寶布施好留我佛國因

緣萬代流傳只道是君家福德

永福堂塑佛像 順昌西岩

西方極樂國福在西岩南無阿彌陀現於南劍盡道菩
提無樹何須淨土栽蓮然化身亦有色身因像法可求
正法想觀音之救難滿百慈悲思勢至之度人通身怜
憫一佛遠公之接引諸天聖侶之護持巧手莊嚴善人
施捨大千七寶布福德何如此福德之多三十二相觀
如來咸有見如來之喜

仁壽堂化粧塑佛像疏

民皆仁壽一心願見彌陀佛有因緣好事須煩長者欲
現如來之妙色共培居士之白蓮化身不難要清淨要

圓滿諸相具足誰布施誰莊嚴此日發心諸天助力寶珠瓔珞信手拈來金銀磔磔隨意喜捨豈特道場之光彩有闕闔邑之禎祥三四五佛善根自有種善根之報千萬億劫福德何如此福德之多

東嶽廟粧塑天堂地獄閻羅像疏

善惡灾祥之報猶影響之應聲神祇鬼魅之靈在典禮而有像敢干長者全發好心借佛說以度人即獄祠而設教天堂果有宜君子之先登地獄豈無必小人而後入韓柱國木頭身後包閻羅只在眼前何吝餘財共成善事可以勸脩身立命之士可以化遷善遠罪之民變鑊湯而為清涼何待問觀音大士捨魚池而作物利毋

煩念寶勝如來

白蓮社經堂疏

廬山一條瀑布流到東林華峰十丈藕缸種成淨社從此枝枝葉葉處處田田何人不過虎溪橋是水盡入龍宮藏此為諸佛菩薩之所護念又待最後檀那而得圓明任他栽火裏九紅看我出泥中清白從聞修竟悟色香空

疊山集卷之十五

里生潭石黃溥編

文

代五顯廟巫祝為還願人放罪文

社令解到罪人一名枷鎖待罪九月二十八日靈順廟
掌善惡判官具呈照得某人頃罹罪罟幸脫累囚思宿
業而多慙恐後災之難免遂投雲瑣自首前愆既荷校
而在庭且席藁而待鉞若論舊惡當伏嚴誅適逢皇天
誕聖之辰宜廣上帝好生之德姓某一名心與不合疎
放取神旨奉五顯靈官大帝神旨凶人不善自有常刑
上帝好生豈容盡法况十載苦干戈之禍爾萬姓在湯
火之中人思解撻以除苛天必滌瑕而蕩穢欲新汙俗

何吝寬息姓某本是愚民自陷大謾既束身而俟罪必
條慮而洗心情亦可憐理宜從恕宥有宥過無大之訓
律有自首原罪之文刑人發蒙利於說枯死囚歸獄縱
以還家吾欲並生爾宜遷善知人身之難得毋再犯刑
思天網之至疎常懷報德姓某一名當廳陳放仍申天
曹地府關東岳城隍司應有干連縮繫去處照會

代昭懿廟巫祝為婦人還願放罪文

本廟據掌善惡判官具呈罪囚一名某鄉里某氏供招
本命某年月昨因丁丑年十月十三日北兵討擄逃難
深山自念田野愚民性資昏闇平生虛度不種善根一
念妄行俱是惡業既逢離亂恐致死言遂發悔心仰投

洪造是日對虛空啓許夫人行宮私獄案願懇禱庇聖
或可保全凡今未死之年皆出再生之造今月十五日
伏遇大聖降誕之辰謹齋戒沐浴荷枷帶繩索前詣
行宮門下潔身請罪聽候裁斷施行本司看詳某氏曾
逢大難遂發悔心仰賴聖恩幸逃未劫果能遷善猶獲
延年既械杻以在廷同囚徒而請罪當大聖降誕之日
体上帝好生之心或播寬條更全微命取自神旨裁斷
奉昭惠崇福善利順懿天人神旨上帝好生初無殺意
下民犯法豈是本心自從開天地以來方見大千戈之
慘能逃未劫必有善根某氏愚婦何知悔心甚苦惡人
齋戒猶可動於上天死囚未歸自當開其生路經有宥

過無大之訓律有自首原罪之條一善可名諸惡不問
在縲紲而非罪咸與維新脫桎梏而發蒙姑從大赦如
能積德更與延年某氏踈放乃申天曹關獄府終會

疊山集卷之十五

疊山集附錄卷之十六

重生潭石黃溥編

上疊山先生書

雙湖胡一桂

二月六日新安學生前鄉貢進士胡一桂謹熏沐裁
書百拜獻于提刑殿講疊山先生閣下某嘗讀周元
公易通有曰天地間至尊者道至貴者德至難得者
人人而至難得者道德有於身而已夫所謂道德者
何也其綱有三其倫有五原於天設於地品節於聖
人通行於千萬世由乎此則安不由乎此則危由乎
此則為諸夏為人不由乎此則為蠻貊為禽獸斷斷
乎其不可易之論也然嘗惟夫自開闢以來宇宙不
知其幾變而所謂道德疑若為之而俱變者冥冥之

表蓋有天焉每於其交際之間必生一二傑魁瑰偉之士以身任道德之寄把握扶植於不壞不滅之地夫天既以道德重寄付托於其身謂宜愛之護之俾得優游適志以順乎其天願乃不然或使之憂患困苦直至殺身而後僅可以成仁或拂亂其所為使之飢寒流落瀕於萬死而不得死栖栖焉寄隻影於遐陬僻壤間而時俗富貴者洋洋得志切齒唾罵以為至愚至癡不通時變自陷於困窮所謂可憐不足恤者若是而望其把握扶植此道德於不壞不滅之地真不啻如一髮引千鈞之難何哉蓋不然天地間萬形皆有弊惟理獨不朽宇宙間事固有囿於氣數之

不得不然者而所謂迫德之理則實未嘗一息可變苟非其人亦不能以白行是以必于人是托然人品有不一有盜名欺世者有慕名矯拂者有不能忍於飢寒而流涎於富貴者有牢關固鉅於其始而卒喪其節者有自度其才而足以應世而姑守窮約者有初之無力以自奮忍乘機而遽起者若是者皆不足以任道德之寄往往天亦嘗厭其於此徒是以付托一二人於斯世必使之憂患困苦殺身以成仁必拂亂其所為飢寒流落瀕於萬死而不得死如精金百鍊曾不變其所守仁以為己任死而後己者亦以其身不足愛而道德之為可愛且將以愧天下之曾

信人爵食人祿者居此者是真可以任道德之寄昌黎韓子所謂千萬世一人周子所謂道德有於身者是也遊吾目乎八荒思得大人君子道德有於身者為之依皈舍先生之外其誰哉洪惟先生抱三光五岳之正氣負三緇五常之重任涉世於強仕之年秉操於立朝之日一時權姦如虎豹九關磨牙搖毒而浩然之氣至大至剛以直養而無害曾不為之撓屈居常抱膝林泉朗誦先生大雅之章想見人豪而雲泥懸絕無階趨拜茲者恭聞螫神龍於九淵翔鳳凰於千仞倫德自持而爵祿不足以移高尚自立而王侯不足以屈集芟裳修初服而章甫逢掖變更之未

嘗因蓮舟讀玉書而天祿石渠宗主之有屬斯文倚之為命脉衣冠賴之以綱維義夫節婦得所標表以益堅亂臣賊子有所觀望以羞愧道德之興廢關係於先生之一身而把握扶植之責甚重而匪輕也故昔也危言危行人不得以議其訐今也危行言遜人亦莫得以議其脂韋梅福之於炎劉淵明之於司馬時不同而處亦異也嗚呼天地猶有憾粹乎先生之行終不能疵日月猶有蝕昭乎先生之心終不能蔽雷霆猶有伏烈哉先生之氣終不能遏此真所謂道德有於身而千萬世一人之人也稍有志於道德之士可不承下風而望餘光哉某安定徵宗古歙士族

蓋自六世兩伯祖鉉銓接武元豐之第而高伯祖昂
政和間由辟雍第太常與吏部朱韋齋先生有同邑
同年之好高祖溢紹興初分路省元復收世科詩書
之傳道德之脉三百年於此矣其五六歲而讀父書
十二三而能文十八而登名於天府年少氣銳不但
視功名如唾取粗亦為有志於當世赅何天池之翼
未展而洄溪之翅已垂孟明之舟未焚而郊鄙之鼎
已易事蓋有大謬不然者我之為我亦無復有志於
斯世矣且比年以來天疾其軀仲車其聽庸人孺子
莫或肯半指屈中夜以思默然領會意者造物仁愛
之深故欲使為無聞之人專心致志於學行之乎仁

我之途遊之乎道德之源無絕其源無迷其途而已
乎環視其家圖書滿屋而紫陽夫子之易又平日所
酷尚伏讀家君易啓蒙通釋吾易門庭既已獲入獨
謂本義提綱振領而節目未詳於是又取語錄而附
之纂集諸說間贅已意至若卦象之異同文言之疑
義自漢儒已來千有餘年未酬灼知其說者某一旦
豁然貫通若有陰相而默啓之於是作為卦象圖說
又作為疑文言並而體之未有圖也而圖之十翼之
未有論也而論之啓蒙本義有大功於天下後世而
人莫知也又表而出之凡此者豈務繪章繪句以為
解記事纂言以為多哉亦以明經乃儒者之事况大

之為天地幽之為鬼神明之為君臣治亂別之為賢
邪進退于以立三才之道于以順性命之理于以盡
事物之情通天下之故莫不畢備於易於此乎有得
焉亦庶乎身心收斂不至外馳而所謂至尊之道至
貴之德亦猶是以不失焉耳書成而鄉之老師宿儒
莫不為之許焉某亦自度歲月之不虛度矣然在太
中三都賦固未嘗不為奇偉之書使不遇皇甫謐稱
獎而為之序亦何以信於時而聞於後哉今海內以
先生為道德之宗主人物之權衡一經品題便作佳
士某是以不遠千里往拜丈函塵滓視聽求片言以
為之黼黻付之書市繡梓倘微先生之高名令譽傳

之無窮施之罔極其...
之實惟門士之至願于...
之至

疊山先生行實

謝枋得君直號疊山信州弋陽人登宋寶祐丙辰第
甲子校文江東發策十問抵時政安置興國軍乙亥
除江東提刑累遷至江東制置使土軍攻饒拒戰安
仁敗宋德祐元年冬十一月任江西招諭使知信州
又敗棄家入閩丙子二年春正月元兵入信鑊銀榜
根捕執枋得之妻李氏二子一女送江淮行省拘于
揚州獄中母夫人以老疾得免李氏不屈死于獄中

惟二子熙之定之得還元至元戊子二十五年夏四月召宋故臣謝枋得力辭不至時帝訪求南人有才者甚急御史程文海承旨留益多災交章薦之尋有書上程雪樓秋九月參政魏天祐執枋得北去先是枋得由建陽唐石山轉入蒼山等處朝遷暮徙崎嶇山谷間竟得脫至元甲申黃華平大赦枋得乃出得還自寓于茶坂設卜肆于建陽驛橋榜曰依齋易卦小兒賤卒亦知其為謝侍郎也至是天祐朝京將載枋得後車遣建寧總管撤的迷失佯召枋得入城卜易逼以北行以死自誓知不可免即不食有上魏容齋書已丑二十六年夏四月故宋江西招諭使知信

州謝枋得至燕死之初參政魏天祐逼枋得之北行也與之言坐而不對或嫚言無禮天祐自甚容忍久不能堪乃讓曰封疆之臣當死封疆安仁之敗何不死枋得曰程嬰公孫杵臼二人皆忠于趙一存孤一死節一死於十五年前一死於十五年之後萬世之下皆不失為忠臣王莽篡漢十四年龔勝乃餓死亦不失為忠臣司馬子長云死有重於泰山輕於鴻毛韓退之云蓋棺事始定參政豈足知此天祐曰強辭枋得曰昔張儀語蘇秦舍人云當蘇君時儀何敢言今日乃參政之時枋得百口不能自辨復何言枋得不食二十餘日不死乃復食將行士友餞詩盈几

張子惠詩云此去好憑三寸舌再來不直一文錢枋
得會其意甚稱之遂卧眠轎中而去渡采石復不食
自是只如少蔬果積數月困殆四月初一日至燕京
初五日死于驛子定之護骸骨歸葬于州枋得平生
無言不讀為文章高邁奇絕汪洋演迤自成一家學
者師尊之所著有詩傳註疏易說十三卦取象批點
陸宣公奏議并文章軌範行于世

文節先生謝公神道碑

李源道

天訖宋命皇元一四海而統之至元二十三年行御
史臺侍御史程鉅夫以宋遺士三十人薦于朝於是
輒謝枋得在舉中被徵丁內艱辭亡何連詔江浙行

省左丞管如德召皆不起廿六年春正月福建行省
叅政魏天佐復被旨集守令戍將迫促上道迺行夏
四月至京師不食死春秋六十有四八月子定之奉
柩還廣信明年九月葬其鄉之玉亭龔原其門人誄
而題之曰文節先生謝公墓先生曾祖彥安祖一鶚
考應琇潯州僉判妣桂氏封碩人先生諱枋得字君
直信州弋陽人宋寶祐乙卯薦于鄉丙辰試中禮部
高等比對力詆時宰闈宦奮不顧前後抑置第二甲
第一人初潯州君以事忤使者董槐被劾以死先生
既第董槐執政竟不堂叅以歸丁巳召試教官調建
寧府教授已未趙葵宣撫江東西辟為屬尋除禮兵

鄒架閣令募兵援江上出楮幣十萬貫得信撫義士
數千人以應宣撫司罷賈佖道當國會軍興出入簿
責任事者公毀家以贖不足坐廢至元初長星竟天
踰月我師壓江上宋社日替江東漕司猶試士徵校
藝先生憤賈竊政柄害良忠誤國毒民發策十問擿
其姦極言天心怒地氣變民心離人才壞國有亡證
辭甚剴切大拂賈旨臺評竟上其謗訕鐫兩秩興國
軍安置因謫所山門自命壘山守令皆及門執弟子
禮丁卯以史館召先生曰似道餌我也不赴閉戶講
道聞之者翕如若周岳熊朝余安裕楊應桂余炎謝
禹莫若輩皆知名介然自將足迹不及權門里中人

行事或不循於理者輒曰謝架閣聞乎有持兩爭必
來質平遣以理無秋毫假與人意人亦高其風必自
審乃進非義者未嘗敢至其前也乙亥連以史館校
勘秘書省著作郎召宰辭授江東提刑總其兵以守
饒信撫與王師戰輒敗不能軍遂易服負母走閩中
隱於卜信守將悉捕公妻子弟姪送建康獄夫人李
氏有容德有廉帥者欲妻之一夕自經死弟某某姪
某某及一女二婢皆死獄中惟二子熙之定之移獄
廣陵得釋又有弟禹在九江亦不屈斬于市先生性
資嚴厲雅負奇氣風岸孤峭不能與世軒輊而以天
時人事推宋必亡於二十年後抗論愴宰老竭蹶不

售終不取合於時其為人蓋如此及程公之薦報書
乃曰弓旌招賢輪帛迎士有志經世者孰不興起及
非其人非皇帝夢卜求賢之初意也觀其言非徒決
於剛憤者少力學六經百氏悉淹貫為文章偉麗卓
然天成不踐齷陳言宿說論古今成敗得失上下數
千年較然如指掌尤善論樂毅申包胥張良諸葛亮
事常若有千古之憤者而以植世教立民彛為任貴
富貧賤一不動其中其言曰清明正大之心不可以
利回英華果銳之氣不可以威奪其自信悉類此先
生之北也貧苦甚衣結履穿行雪中人有嘗德之者
賙以兼金重裘不受平日所著易書詩三傳行於世

雜著詩文六十四卷翰林學士盧公摯為之序引深
所推激夫人李氏男二義勇早卒熙之歸自廣陵
亦卒定之賢而甚文累薦不起孫男二信孫白孫先
生死之二十有四年門人虞舜臣率其徒築室買田
祠公弋陽之東江浙行省請於朝為疊山書院又五
年余任集賢待制番易周應極狀其事致定之之語
求銘墓道嘗謂先生天下士源道仰其文章風節蓋
四十年而不一識是區區者尚可辭哉銘曰

嗚呼先生生也何時生也後時日薄崦嵫維南有孽
龜玉毀拆我朝天明迺完其節鷄鳴風雨歲寒松栢
伊其板蕩古有盡忠道統既闕人文斯崇有美翔鸞

載鳴載集曷迪匪庭曷課匪京萬里冰天介石自貞
奚卒不施悶于佳城嗚呼先生

宋史列傳

謝枋得字君直信州弋陽人也為人豪爽每觀書五行俱下一覽終身不忘性好直言一與人論古今治亂國家事必掀髯抵几跳躍自奮以忠義自任徐霖稱其如鷲鶴摩霄不可籠繫寶祐中舉進士對策極攻丞相董槐與宦官董宋臣意擢高第矣及奏名中乙科除撫州司戶參軍即棄去明年復出試教官中兼經科除教授建寧府未上吳潛宣撫江東西辟差幹辦公事團結民兵以扞饒信撫科降錢米以給之

枋得說鄧博二杜誦大家得民兵萬餘人守信州暨兵退朝廷覈諸軍費幾至不免五年彗星出東方枋得考試建康摘似道政事為問因言兵必至國必亡漕使陸景忠嚙之上藁於似道坐居鄉不法起兵時冒破科降錢且訕謗追兩官謫居興國軍咸淳三年赦放歸德祐元年呂文煥導大元兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以族保師夔可信乞分沿江諸屯兵以之為鎮撫使使之行成且願身至江州見文煥與議從之使以沿江察訪使行會文煥北歸不及而反以江東提刑江西招諭使知信州明年正月

師變與武萬戶分定江東地枋得以兵逆之使前鋒
呼曰謝提刑來呂軍馳至射之矢及馬前枋得走入
安仁調淮士張孝忠逆戰團湖坪矢盡孝忠揮雙刀
擊殺百餘人前軍稍却後軍繞出孝忠後衆驚潰孝
忠中流矢死馬奔歸枋得坐敵樓見之曰馬歸孝忠
敗矣遂奔信州師變下安仁進攻信州不守枋得乃
變姓名入建寧唐石山轉蔡坂寓逆旅中日麻衣躡
履東向而哭人不識之以為被病也已而去賣卜建
陽市中有來卜者惟取米履而已委以錢悉謝不取
其後人稍稍識之多延至其家使為子弟論學天下
既定遂居閩至元二十三年集賢學士程文海等

臣二十二人以枋得為首辭不赴又明年行省丞相
忙兀台持旨召之執手相勉勞枋得曰上有堯舜下
有巢由枋得名姓不祥不敢赴詔丞相義之不强也
二十五年福建行省叅政管如德將旨如江南求人
才尚書留夢炎以枋得薦枋得遣書夢炎曰江南無
人才求一暇呂飴甥程嬰杵曰廝養卒不可得也紂
之亡也以八百國之精兵而不敢抗二子之正論武
王太公凜凜無所容急以興滅繼絕謝天下殷之後
遂與周並立使三監淮夷不叛武庚必不死殷命必
不黜夫女真之待二帝亦慘矣而我宋今年遣使祈
請明年遣使問安王倫一市井無賴狎邪小人謂梓

宮可還太后可歸終則二事皆符其言今一王倫且無之則江南無人才可見也今吾年六十餘矣所欠一死爾豈復有他志哉終不行郭少師從瀛國公入朝既而南歸與枋得道時事曰大元本無意江南屢遣使使頗兵令毋深入特還歲幣即議和無枉害生靈也張晏然上書乞歛兵從和上即可之兵交二年無一介行李之事乃挈數百年宗社而降因相與慟哭福建行省叅政魏天祐見時方以求才為急欲薦枋得為功使其友趙孟達來言枋得罵曰天祐仕閩無毫髮推廣德意反起銀冶害民顧以我輩飾奸耶及見天祐又傲岸不為禮與之言坐而不對天祐怒

強之而北枋得即日食菜果二十六年四月至京師問太后攢所及瀛國所在再拜慟哭已而疾迂憫忠寺見壁間曹娥碑泣曰小女子猶爾吾豈不汝若哉留夢炎使醫持藥雜米飲進之枋得怒曰吾欲死汝乃欲我生耶棄之於地終不食而死伯父徽明以特奏恩為富陽尉攝縣事時天基節上壽大元兵奄至徽明出兵戰死二子趨進抱父尸亦死

論曰劉應龍不附賈似道馮去非不附丁大全潘昉論皇子竑事坎壈以終洪芹訟吳潛偉哉趙景緯醇儒也而無躁競之心徐霖進則直言於朝退則講道于里徐宗仁國亡與亡異乎懷二心以事其君者也

危昭德經筵進對之言悉載諸故事陳愷能以意氣
感人楊文仲當搶攘之時猶能薦士謝枋得欽崎以
全臣節皆宋末之卓然者也

讀壘山北行詩跋

李養吾

此詩與西山易水之歌當並行余無改評焉尔矣顧
公闔門死節皆甚偉公絕口不一言余不表而出之
何以示天下與來世公季弟君澤游太學早有聲詩
文推本色彗星應詔書尤絕出九江濱後惠余書曰
署為立禮生宋仁悲哉其為志也公內儒家女諸父
嘗甲科登朝若夫慷慨就義則甲科者視之劣矣澤
因伯氏過康戶與謝章誥和議落人疑忌中械繫良

父明朝事將決一夕暴卒二子從母遊金陵聞洵洵
有異殷勤撫二子不忍釋子既熟寐解衣帶自經其
長弟君烈伯姪同禍彌慘烈婦及子婦懼傷大夫人
心不敢以凶服見夫人見二婦不膏沐不言不笑曰
將無大故乎又曰名義至此將何逃信興羅織之獄
所親如薛如詹捐重貲得無恙閩人居亭曰虞氏為
信所蹤跡竟殞深囚虞嘗注易沒齒無怨言獨行傳
中人也凡稱公能死者非知公公不捐一死豈惟無
以謝軍興將卒九原見家人復何顏獨怪江左多將
相富連郡國澤及嬰孺雖肝腦塗地亦不足報所天
居無何觀光上國廩人繼粟太官捫酒飲食醉飽如

平時公何闔門自苦至此公二子亂離間力學自立能詞章仲既累父骨以歸藁葬昇東濠徒跣奉迎俾復其土皆人所難者因憶大史公素疎宕至所謂得其當而報漢談何易哉何易哉公不免輕以三百口許人國危如綴旒命討俱盡誰得執司馬法而罪之或謂真宰者責公言之不酬而酬之以其言是則有未易解者余不敢沒其實併附見以俟知者評焉

祭謝疊山文

李仲卓

嗚呼疊山峭峯嶺屹直不可撓邪不可干洋洋晁董文亞孟韓發策危切指斥權姦運去物改忠憤裂肝十年逋播閩嶠間閔翁翁訛訛疾我謂頑執拘北往摧辱萬端絕粒自殞儵夫厚顏黃河為之嗚咽泰山為之悲酸魂黯黯兮莫返旒翩翩兮來還嗚呼哀哉文山之沒也千載心為之斂尸而撫棺疊山子莫逆也予不能行千載心之所難相去遼隔惟呼冤而永嘆予將北遊誓當收兄骨於烟雲之間歸塋首陽狀公之行乞銘于當世大手筆俾得與夷齊同傳庶千載之下可考者班班茲遺兒稚一觴代奠西風老淚

一若不堪潛嗚呼哀哉尚享

萃才律反噴在九反岷五九反

又

周岳

自商夷齊漢龔勝至先生不食異姓之粟而死者僅四人夫有宇宙以來君臣大義亘萬古而常存然畏死而貪祿者遷就附會自謂枉道而信身豈知死重於生禮重於食出於人心羞惡之真視義之富貴特太空之浮雲惟忠臣義士一點烈烈之氣與日月而常新但知先生文章之渾浩學問之深醇嗟乎楊雄非無學問班蔡非無文章既大節之一失又何他美之足云當天地大變之始法已斁而綱淪先生奮不顧身欲扶人道之倫力雖不能救世而心則常在乎

君親以孔明子房自期兮奈時無可托者以遂志之
仲尋深山以隱子方嘯詠乎落花啼鳥之春彼何為
者謂麒麟之可羈使同犬羊之馴駕赤虬以北征子
眇六合於一塵厭上下之腥兮呼吸月露以盪胸中
之輪困絕粒不食兮寧舍生以成仁一死得其所兮
將以愧天下後世二心之臣夷齊龔勝不得專美於
前兮藹百世之遺芬函骨歸自燕臺兮旅寓吳溪之
濱凜然如生兮其在天之神識與不識皆為流涕而
況某受罔極之恩第質弱才薄安知如房杜王魏輩
異時無負於河汾之門雉鷄斗酒致奠兮一以哭宗
社一以哭斯文尚享

褒崇忠節奏詞

山東道監察御史臣李奎謹

題為褒崇忠節事臣聞忠節乃萬世之大閑褒崇實
朝廷之盛典自三代以迄宋元忠臣烈士清風偉節
足以感發人心千萬載昭昭如一日者皆由英君誼
辟舉褒崇之典或立祠致祭或定謚追封不忍使之
泯沒無聞於後皆所以正人心厚風俗扶植綱常激
勸士類為世道計也今考得宋忠臣謝枋得字君直
號壘山係臣原籍江西廣信府弋陽縣人按宋史列
傳及集賢李道源所撰墓碑稱其學通六經淹貫百
氏寶祐丙辰舉進士以直言忤權奸賈似道由架閣

謫居興國軍建以史館秘書召不赴元兵至江南
宋趙葵宣撫江東西辟為屬尋授江東提刑江西招
諭使督義兵守饒信撫三郡屢與元兵戰甚力以兵
少弗支宋運既革往隱於閩元侍御史程鉅夫薦宋
遺臣三十人以枋得為首承旨留臺奏累章薦之江
西行省丞相管如德浙江行省左丞蒙古台將旨召
之俱不起累致書力辭忠義之語出自肺腑後福建
行省叅政魏天祐欲以薦枋得為功枋得見天祐傲
慢不為禮被拘執北行至大都乃不食而死妻季氏
守節自縊於建康獄中長弟禹在九江以不屈斬於
市季弟君烈君澤俱死於國事伯父徽明為當陽尉

與元兵戰死二子趨進抱父屍死子定之賢而文累
薦不起一門之內秉忠守節視死如歸皆由枋得身
教於家使然也為文章史稱高邁奇絕汪洋演迤動
關世教所著易詩書三傳及著解四書雜著詩文六
十四卷節操孤峭微見於菖蒲之歌言論激烈復形
於漕運之策嘗自誦曰清明正大之心不可以利回
英華果鏡之氣不可以威奪其自信率類此昔胡一
桂嘗稱之曰斯文倚之為命脉衣冠賴之以綱維義
夫節婦得所矜式而益堅亂臣賊子有所觀望而羞
愧道德之興廢關係於先生之一身然臣弋陽自歷
代以來擅道學忠節之名聲後學之景慕者獨枋得

一人而已及求諸天下稽諸往古能如謝氏夫婦伯
弟死忠死節萃於一門亦不多見妻李氏永樂初已
蒙

朝廷登載烈女傳之以垂耀不朽奈枋得祠宇未立
封謚未加後人無所稱仰實為缺典欽惟

皇上以節義風厲天下以忠孝植立綱常凡古今忠
臣烈士義夫節婦有關於世教者悉蒙

旌褒况枋得為近代忠臣忠肝義膽與金石同堅高
名峻節與文天祥相表裏著書立言皆是發明正學
羽翼六經推其道足以隆治而俗聞其風可以立懦
而廉貪誠一代忠節之表表最著者如蒙

唯言乞

勅禮部照例將已故謝枋得定謚褒贈仍行原籍有司創立祠宇歲時致祭如是非特慰忠義之魂於九原冥漠之中尤見

聖朝旌忠顯良之盛典超越前古使海內之士得以瞻拜祠下景仰風節莫不有所激勸興起其於世教豈不有補哉臣與枋得生同鄉邑每厯景慕幸職居言路不容緘默干冒

天威無任戰慄屏營之至

題疊山集後

疊山先生謝公舊有雜著詩文六十餘卷荐厯兵燹存者十猶二三溥辱為鄉人而知慕先生慨其世邈所可見者惟文詞而已故嘗為之采錄得其詩為古

體為近體為絕句體為排律體
體之中為六言為五言為七言
若干首文為書為記為序為銘
為說為表為題跋為啓劄若干
首類而集之為十五卷然誦其
詩讀其書不可不知其人是以

附錄其行實列傳諸作於卷末
使讀之者得以論其世亦庶乎
有以得其實也竊惟古之君子
以文章名家者自漢唐宋元以
迄於今不知其幾而世之學者
咸知崇尚先生之文不忍泯其

傳者豈無自而然哉蓋忠在人
心乃天理民彝萬世所同也先
生當宋之季世四海瀆亂獨倦
倦以植民彝扶世道為己任故
其挺抑權奸奮不顧前後雖崎
嶇險阻備嘗難苦而有所不辭

迨黃屋出奔運去物改事不可
為猶以心存社稷為念一旦元
君欲物色之促迫上道則遂閉
口不食以死嗚呼壯矣哉先生
許國之心始終一致愈久而愈
堅不啻如水之百折而必東金

之百鍊而益勁故其大忠大節
所以暴白天地間上而與日星
並明下而與山嶽爭高使千萬
世之下亦皆知慕其忠也慕其
忠則慕其為人慕其為人則其
精神心術寓於言語文字者可

使之沈逸無聞乎此先生之詩
之文所以重於人傳於世信非
藝焉者之可比也故周子曰道
德實也文詞藝也篤其實而藝
者書之美則愛愛則傳信哉雖
然先生著述不止此也易書詩

有傳四書有註批點文章軌範
陸宣公奏議則其立言垂世有
裨斯道有功後學者多矣又豈
直詞章云乎哉溥無似幸
得私謝先生遺言往往手自抄
錄以藏書笥遇有好者則俾其

傳錄然猶慮其傳之不廣也而
通州儒學訓導楊撫乃謀諸州
判易緯共刻之以傳因不自揆
竊附其說於左使觀者知是集
之成有所自云

景泰四年癸酉二月之吉

賜進士出身廣西道監察御史
里生黃溥澄濟識